

सानसेयारि "बड'सा" खौरांलाइयाव
अमाजयारि जिउजो लोबा थावाय रायथाय, अन्थाय,
अल'बाथा आरो दावबायारि थावनि, पार्क
बाइदिनि आयाव लिउनाय लिउबिदां दैथाय हर/
सानसेयारि "बड'सा" खौरांलाइया सेबअरानाबि
फोसावगोन।

बड'सायाव लिउहरनायवि हुदा खालाम,
"बड'सा" खौरांलाइया, जो बयबो आंगो खालाम।

सानसेयारि बड'सा मावखुनि
माइबं नोगार, जोहोलाव दैमालु लामा
कक्राझार, बिटास-783370
Website: www.bodosanewspaper.com

सानसेयारि बड'सा



BODOSA ★ A Bodo News Daily ★ Monday ★ 14 June, 2021 Kokrajhar, BTC, Assam ★ Vol.- 31, Issue No. 79 ★ R.N.I.Regd.No.40994/91, AssamGovt.Regd.No.IPRD.40/2006/13, ★ Rs.8/-

कक्राझार जिल्लानि अभयकुतिनि सानै रुंसारि हिन्जावसानि दुखुथिया नख'रआव गिबि मन्थिनि आगान

(जाथायनि सायाव गोजौ
थाखोनि नायबिजिरनो गिबि
मन्थिनि बिथोन)

कक्राझार, 13 जुन: कक्राझार जिल्लानि सिडव थायाय धीरबिल
साखाथि अभयकुति गामियाव मोनसे सोमोनांथाव आरो दुखुनांथाव
जाथाय सोमजिनायखौ खौरां लानो थाखाय दिने आसामनि गिबि
मन्थि ड हिमन्त बिश्व शर्माजो लोगोसे कक्राझार बिधान सभा
बियाबनि एमएलए लरेस इलरिजो लोगोसे दुलाराय आसाम
राभा फरायसा आफाद आरो गुबुन गुबुन आफाद गौथमफोरनि
दैदेनगिरिफोरा दुखुथिया नख'रआव दावबायहेनाने सुलाद लाहैदो।
जर'खाथे दिने रबिबारखालि आसामनि गिबि मन्थि ड हिमन्त
बिश्व शर्माया दुखुथिया नख'रआव दावबायफेनाने जाथाय
सोमजिनायनि बागे नख'रनि सोद्रोमाफोरजो लोगोसे कक्राझार
जिल्ला खुंथाय आरो जिल्ला पुलिस (□ 5 बिलाइआव)



तामुलपुरनि एम एल ए लेहराम बर'नि न'आव गिबि मन्थिया दावबायहैदो



तामुलपुर, 13 जुन: आसामनि सभा बियाबनि एम एल ए
गिबि मन्थि ड हिमन्त बिश्व रुंसारि लेहराम बर'नि न'आव
शर्माया दिने तामुलपुर बिधान दावबायहै नाने दुखुथिया

नख'रनि सुबुंफोरनि सायाव
सुलाद लाहैयो। दिने बेलासिनि
3 रिगासो समाव गिबि मन्थिया
वि टि सिनि गाहाय मावकुं
सोद्रोमा प्रमद बर'जो लोगोसे
तामुलपुर बिधान सभा बियाबनि
एम एल ए लेहराम बर'नि
तामुलपुरनि बारेगावआव थायाय
न'आव दावबायहेनाने नख'रनि
सोद्रोमाफोरखौ सुलाद लाहैयो।
गिबि मन्थिया दावबायहेनाने एम
(□ 5 बिलाइआव)

अभयाकुति गामिनि रबिता राभा आरो समायना राभाखौ बुथारनाय जाथायखौ कक्राझार जिल्ला आबोफआ गोखौं रावजो सोंखारिदो

कक्राझार, 13 जुन: कक्राझार
जिल्लानि सिडव थायाय
औवाबारि दख'रनि अभयाकुति
गामिनि रबिता राभा (11) आरो
समायना राभा (12) मुनि सानै
उन्दै उन्दै हिन्जावसाफोरखौ
खासि-बिसिथै बुथारना फासि

फोनांना गालानाय जाथायखौ
कक्राझार जिल्ला दुलाराय बर'
आइजो अन्साइ आफाद
(आबोफ) आ गोखौं रावजो
सोंखारिदो। लोगोसे बे मुगैथाव,
इनाय आरो लाजिनांथाव
जाथायनि सायाव गोथौ दुखु
मोन्नाय फोरमायो। लोगोसे
ओन्सोलाव दुंहाव थासारि
सोमजिनायखौ मिथिनांने गात्रि
जाथायफोरनि सायाव
नायबिजिरनो आरो गोखौं राहा
लानो थाखाय पुलिस बिफान
(□ 5 बिलाइआव)

सरुपेटायाव रेल गारिजो सौग्रावनाय जाथायाव सासे आइजोनि जिउ खहा

भबानिपुर, 13 जुन: सरुपेटा रेलवे स्टेसननि साखाथियाव थायाय
ओन्सोलाव दिने गोबारै खारबोनाय रेल गारिनि सौग्रावनायाव सासे
आइजोनि जिउ खहा जायो। मख'नो गोनांदि दिने फुनि 8 रिगासो
समाव सरुपेटा रेलवे स्टेसननि साखाथियाव थायाय रेलवे ट्रेकआव
सासे आइजोआ रेल लाइनखौ बारनो नाजानाय समावनो गोबारै
खारबोनाय बांगालर एक्सप्रेस रेल गारिजो सौग्रावनायनि जाहोनाव
आइजोनि जिउआ जायगायावनो गोमायो। बे जाथायनि उनाव पुलिस
बिफानआ आइजोनि गोथे सहखौ जाथायथिलिनिफ्राय बोखानो
हायो। बरेखानि बे खौरांखौ लिउनाय समसिम जाथायाव जिउ
गोमानाय आइजोखौ सिनायथिनो हायाखौ।□



जौथायनि जोबथायाव गिदिर ख'हाजो मुलुगआ भुगिनांनो हागौ: बोथोर बिगियानगिरिफोर



गोदान दिल्ली, 13 जुन:
मुलुगनि मुंदांखा बोथोर
बिगियानगिरिफोरा सोलिफु
जौथायनि जोबथासिमाव हा सा
बाहागोनि बिदुंखौ 1.5 डिग्री
(□ 5 बिलाइआव)

एम एल ए माजेन्द्र नार्जारीनि नख'रआव गिबि मन्थि ड हिमन्त बिश्व शर्मानि आगान

गसाइगाव, 13 जुन: थांनाय
26 मेखालि रुंसारि जालांनाय
28 न गसाइगाव बिधान सभा
बियाबनि एम एल ए माजेन्द्र
नार्जारीनि नख'रसिम दिने
राज्योनि गिबि मन्थि ड हिमन्त
बिश्व शर्माया दावबायहेनाने
सुलाद लाहैयो। गिबि मन्थिया
कक्राझारनिफ्राय हेलेकप्टरजो
गसाइगावनि हाबु बिलयाव



थानाय हाबु बिल गोजौ
फरायसालियाव बाख्लायनानै

गसाइगाव सदर सहरनि 4 नं
वार्डआव थायाय एम एल ए
रुंसारि माजेन्द्र नार्जारीनि
(□ 5 बिलाइआव)

बिजनीआव ड्रागसजो लोगोसे सासे हमदो

बिजनीनिफ्राय मुसुखा ब्रह्म,
13 जुन: राइज्योनाडे नो
ड्रागसनि हेथायै सिग्रोमनाया
गोखौंथारे सोलिगासिनो। बे
बिथिडव उन जानाने थायाखै
चिरां पुलिसआबो। बायदिसिना
आइन बरेखा हाबानि बरेखायै
गोखौं नोजोर लाखिदो चिरां
पुलिसआ। दिने रबिबारखालि
फुनि 11:30 रिगासो समाव



चिरांनि बिजनी थानानि सिडव
थानाय खावाटिकायाव पुलिसनि
सिग्रोमनायाव सासे ड्रागस
फालांगिरिखौ हमनो हायो।

होदो पुलिसआ। चिरां पुलिसनि
उफ्रा पुलिस बिबानगिरि प्रकाश
मेथिनि देदेनाय आरो बिजनी
थानानि असि उत्तम कुमार
दलेनि जुथायै सिग्रोमनायाव
बिजनी खावाटिकानि ड्रागस
फालांगिरिनि आखाइनिफ्राय
72.34 ग्राम ड्रागसजो लोगोसे
गंनै मबाइल फन बोखानो
हायो।□

शिलं, 13 जुन: नेभिआ
मेघालयनि आयेन बरेखा खैला
खनिआव थावथानाने थायाय
सा 5 सुबुंफोरनि रैखाथि
अभियानआव बाहागो लागोन,
आयेन बरेखायै खैला खनि
खालामनायाव दे जमा जानायजो

खैला खनियाव थावथानाने थानाय मावसुमाफोरनि रैखाथि अभियानआव नेभिआ मदत होगोन

CYMK

CYMK

सुजुगिरिनि खोलोम

इयुनखौ सान्नासो हाबा मावनांगौ

न'खरनि हाबा, हादतनि हाबा एबा गावयारियानो जायाथौ, हाबा मावनायाव जौ गोसोखौ थि लानानै मावनाया गाहाम, सानसेनिल' बाथाखौ सानालासेनो गुबुन साननि थाखायबो सान्नासो हाबाखौ मावनांगोन। जेखि हाबानि प्लेन खालामा मानो, आथिखालनि बाथाखौल' सान्नासो मावयोब्ला इयुननि थाखाय गोरोथि नुजाफैनो हागौ। बिब्दि जायोब्ला थि खालामखानाय प्लेन-प्रग्रामखौ सिमफायनाने गोदानै प्लेन बानायफिनानांगौ जानानै फेयो। जाउनाय रांखावरनि खहा जानोबो हागौ।

थानो थाखाय लुनाय न'-बांखौ जेरै सानै-हयैसो लुखानांगौ, बिब्दिनो सरकार बिफाननि जायखि-जाया मावख'नि बिब्दिन' एबा लामा-दालांयानो जा, लोंग्रा दे जगायथायनि स्किमयानो जा, जाम्फै-केनेलनि स्किमयानो जा, इयुननि बाथाखौ सानै-हयैसो बानायनो प्लेन खालामनांगौ। नोगोर-सहरनि नुयोब्लानो हमनो हागोन, बे बाथाया बेसेबां सान्नासो गोनां। जौनि सोरगिदिं खाथि-खाला थानाय गेदेर-फिसा नोगोर-सहरनि बाथा एबा गिदित सहरनि बाथाखौ सान्नासो नायोब्ला नुनो मोनोदि, बेफोरवा थानाय लामाफोर, दै लांग्रा जाम्फै एबा सहरनि दै बोहैखार लांग्रा नालाफोरनि हालोदखौ अखा बोथोर फैब्लानो नुनो मोनगोनदि, सिगाडव न'-बां लुनानै थानाय सुबुंफोरा गावसिनि समनि बाथाखौल' सान्नासो न'-बांखौ लुनानै लादोमोन। बै समाव मानसिफोरनि अन्जिमायाबो बाडायमोन। सान्नासो रोडखौमोन, इयुनाव दैनि बाइदि सुबुं अन्जिमाया बांगोन आरो लामा-सामाफोरनि राहा-खाबुया बे बाइदि जाहैगोन होन्नानै। दैज्नां बोथोरवासो बे थार बाथाखौ हमदानो हायो। अखानि दैया लोमसावनानै लामा-सामा उसिफाव लायनाय, दै बाना बाइदि जालायनायखौ नुब्लासो हमनो हायो सिगाडव गोरोथि खालामनायखौ।

गावयारि एबा सरकार बिफाननि जायखि-जाया खामानिखौनो रोंगथि गोनां प्लेनारनि हेफाजाबैसो स्किम बानायनानै जायखि-जाया फसंथानफोरखौ गायसंनंगौ। बेफोरखौ गोथौयै सान्नासो नायनांगौ जायो। ओन्सोलनि, गावनि जायखि-जाया स्किमनि हाबाफोरखौ सानै-हयैसो मावहोनाया गाहाम। रांखावरनि आंखाल गैया होन्नानै जेरै मोनो एरैनो स्किमफोरनि खामानिखौ मावनायनिफ्राय जानगाराव थानानै इयुनाव बेनिफ्राय माबा हेंथा नुजाफैगोन नामा बेखौबो सानखा नांगोन। बेखायनो प्लेन खालामालासेनो सानसेनिल' सान्नासो हाबा मावनायखौ नागारानै गोजोर, जेंना गैयै जाहैनाय बादिसो जौ इयुननि हाबाफोराव आखाइ होनांगोन।

दिनैनि फानजामुथि

राशि बाइदियै मुनि गिबि हांखो

मेष : अ ल वृष : ऊ ब (उ ए इ) मिथुन : क छ (ङ घ) कर्कट : ड ह सिंह : म ट कन्या : प ठ (ण ष) तुला : त र बृश्चिक : ब न धनु : ध भ (ढ फ) मकर : ख ज कुम्भ : ग श (स) मीन : द च (ख ज झ)

- मेष-** माखौबा लानानै सोरजौबा नालायनाय जानो हागौ। सांग्रां जानांगोन। गोसो हमथा।
- वृष-** मानिबा दायआव सोरजौबा सुथुर जालायनानै थानो गोनां जागोन। गोसो हमथानांगोन।
- मिथुन-** सेंग्रा सिख्लाफोरनि गोसो थोलायनायनि बान्दोआ गोरु जागोन। फारफोमबो मोजां।
- कर्कट-** नखर संसारखौ सास्थिये दोनो हागोन। जेखि मावा मुलाम्फा मोनो हागोन। मोजां सान।
- सिंह-** सोरजौबा हिंसा-हिंसि खालामजानाया जेबनाय नड। सान्नाया मोनसेबो जाफुनाय नड।
- कन्या-** लोगो हमलायनाय समाव आन्दायलायनाय जानो हागौ। जेरैबो सांग्रां जानांगोन।
- तुला-** नखरनि गोथार खामानि मावनासै लानो हागोन। जौगानाय फैगोन। मोजां सान।
- बृश्चिक-** बायदिसिना होन्नानै बांसावजानो हागौ। गोसो हमथानानै थानांगोन।
- धनु-** मोजां हिनजावजाजौ गोथार मिलन खालामनो हागोन। नौथानि थाखाय मोजां सान।
- मकर-** मोजां मोनलायनायाव सोमोन्दो नागरलायनाय जानो हागौ। गोसो हमथानानै थ।
- कुम्भ-** माबाफोर मोजां मुबा-बेसाद मोनो हागोन। रेंजा-खुसि जानानै थानो हागोन।
- मीन-** मोजां लोगो मोनो हागोन। बिसिगि खाज्जायनानै लानो हागोन। मोजां सान।

जी-7 सामिटआव चीननि सायाव सावरायफुनाय समावनो इन्टारनेटआ बन्द जायो



गोदान दिल्ली, 13 जुन: ब्रिटेननि कर्नवालआव जी-7 नि सोद्रोमा हादतफोरनि दैदेनगिरिफोरा जथुमा खुदों। बे जथुमायाव गोबां जर 'खा आयदाफोरनि सायाव दैदेनगिरिफोरा सावरायज्जायो। मोनसे रिपर्ट आव बुनाय जादोंदि, जेब्ला चीनखौ लानानै सोद्रोमा हादतफोरा सावरायदोंमन अब्ला गेजेर समावनो हरखाबै बैयाव इन्टारनेटआ बन्द जादों। बै समाव जी-7 नि दैदेनगिरिफोरा माबारै मुलुगआव चीननि गोहो बांबोनाय आरो शिन्जियां राइज्योआव जरजबस्टिये लेबार मावहोनायनि हेंथायै फिनजाथाय

होनो हागोन बेखौ सावरायदोंमन। बे समावनो मोनसे समाव हरखाबै बै खटायाव इन्टारनेटआ बन्द जायो। सामिटआव बे आयदाआव मख 'जाथाव दैदेनगिरिफोरा सावरायज्जायो। मोनसे रिपर्ट आव बुनाय जादोंदि, जेब्ला चीनखौ लानानै सोद्रोमा हादतफोरा सावरायदोंमन अब्ला गेजेर समावनो हरखाबै बैयाव इन्टारनेटआ बन्द जादों। बै समाव जी-7 नि दैदेनगिरिफोरा माबारै मुलुगआव चीननि गोहो बांबोनाय आरो शिन्जियां राइज्योआव जरजबस्टिये लेबार मावहोनायनि हेंथायै फिनजाथाय

लानानै माब्ला चीननि हेंथायै गोखों थांखि लानाय जागोन। The Associated Press नि रिपर्ट नि बादिब्ला आमेरिकानि हादतगिरि ज' बाइडेनखौ गोखों आखुआव नुनो मोन्दोंमोन। नाथाय गुबुन दैदेनगिरिफोरा बेखौबो नोजोर होनानै सांग्रां जादोंमोनदि, बिसोरनि सावगारिया जाहाते एन्टी-चीन एबा चीननि बेरेखा नुजातिया। शनिबाराव जी-7 जथुमानि गिबि सानाव काना, ब्रिटेन आरो फ्रान्सआ बाइडेननि माखासे आयदाफोरखौ गोबां मदत होनाय आरो फारसेथिं जार्मानि, इटाली आरो इस्वीय इडनियनखौ माखासे

भारतीय अलिम्पिक गेलेगिरिफोरनि हान्जानो गाहाय मन्थि मदिआ फेरवेल होगोन

गोदान दिल्ली, 13 जुन: टकिय अलिम्पिकआव बाहागो लागोन भारतीरी गेलेगिरिफोरखौ थुलुंगा होनायनि थांखिजौं भारतनि गाहाय मन्थि नरेन्द्र मदिआ 10-15 जुलाइनि गेजेराव मावख'आरि हान्जाना फेरवेल होनायनि सानसे उनावो टकिय अलिम्पिकनि थाखाय दावबायगोन। टकिय अलिम्पिकआ फेनो गोनां 23 जुलाइनिफ्राय जागायगोन आरो बे अलिम्पिकआ 8 आगस्टसिम सोलिगोन। मख'नो गोनांदि, थानाय बोसोरव कर्ना सन्देसाय

थासारनि थाखाय अलिम्पिकनि खेलाफोरखौ दोन्थनाय जादोंमोन। सुलुनि बादिब्ला गाहाय मन्थि नरेन्द्र मदिआ अलिम्पिकआव बाहागो लाहैगोन हादतनि गेलेगिरिफोरखौ थुलुंगा होनायनि थांखिजौं बिसोरनो मावखवारि फेरवेल होगोन। खु'गोन फेरवेलनि अकखौ दसिमबो थि खालामनाय जायाखै अब्लाबो फेनो गोनां 10-15 जुलाइनि गेजेराव होगोन होन्ना मिथिनय जादों। गुबुन फारसेथिं जायफोर भारतरि गेलेगिरिफोरा

गुबुन हादतआव दहैयो बिसोर थोजोडै टकिय फारसे दावबायगोन। गेलेगिरि, कच आरो मदत होग्रा स्टाफफोरनि अनगायै अलिम्पिकनि थाखाय जायफोर टकियआव दावबायनो गोसो जादों, बिसोरनि गोनांथि बादियै थानो मोनानयनि गनायथि होगोन। मख'नो गोनांदि, कर्ना सन्देसायनि दुहाव थासारनि समाव गेलेमु मावख'निफ्राय गेलेगिरिफोरजौं लोगोसे मदत खालामग्रा स्टाफफोरनि अनगायै नायगिरिफोरखौ दैथायहरनायनि थांखि लानाय जायाखैमोन।

नीरज चपड़ाआ गल्ड मेडेल देरहानो हादों

लिस्बन, 13 जुन: स्टर जेब्लिं गेलेगिरि नीरज चपड़ाआ इन्टारनेशनेल सिजेननि जागायजेननायखौ सिटी अफ लिस्बन एथलेटिक्स मीटआव 83.18 मितार खुबैनानै गल्ड मेडेल देरहानो हादों। नीरजआ लिस्बन इडनिभासिटी स्टेडियमआव 80.17 मितार खुबैनानै गावनि गेलेनायखौ जागायदों। गावनि 6 थि आरो जोबथा थ्रआव 83.18



मितारसिम जेब्लिं खुबैहरनानै गल्ड मेडेल देरहानों। एशिया मेचनि चेम्पियन चपड़ाआ बे बोसोरनि मार्चआव

खालामदों। बियो थ्रैथि थ्रयाव 78.50 मितारसिम जेब्लिं खुबैदोंमोन। नीरजआ देरहानायनि उनाव बुंदों गाव ट्रेनिनि समावनो गल्ड मेडेलखौ देरहानो नाजादोंमोन आरो इयुननि इन्टारनेशनेल मीटयाव मोजांडे दिन्थिफु'नो हाबावगोन। बे मीटआ 1 बोसोरनिफ्राय बांसिन समाव नीरजनि गिबि इन्टारनेशनेल बादायलायनायमोन।

आमेरिकानि माइनार टी-20 लीग: एन्डारसनजों लोगोसे सा 80 निफ्राय बांसिन फास्ट क्लास गेलेगिरिफोरा गेलेगोन

निउयर्क, 13 जुन: आमेरिकाआ क्रिकेटयावबो गावनि गोहोखौ दिन्थिफु'नो थियारि खालामदों। फैगौ 31 जुलाइनिफ्राय माइनार लीग टी-20 आ जागायजेनगोन। 6 सप्ताहसिम जानो गोनां बे लीगआव 27 फ्रैन्चाइजी थागोन। बे चुनामैन्टआव गेलेनो थाखाय मुलुगनाडैनि सा 80 निफ्राय बांसिन फास्ट क्लास क्रिकेटारफोरा गाव-गावनि ड्राप्टखौ

खालामहोदों, जेयाव बांसिनानो इन्टारनेशनेल क्रिकेट गेलेखानाय। बेनि अन्जिमाया बांवावोनो हागौ। गिदिर मेच गेलेगिरिफोरनि मुडव निउजिलेन्डनि अलराउन्डर करी एन्डारसननि मुडबो दंफा देरो। बियो डलासनि थाखाय मेच गेलेगोन। दासिमाव गासै सा 420 गेलेगिरिफोरनि ड्राप्टखौ मोननाय जादों। जेराव सा 54 आ लकेल आन्डार -21 आरो सा 27

आ आन्डार 19 नि गेलेगिरिफोर। बिसोरनो इलेबनआव जायगा होनाया गोनांथार जागोन। लीगआव भारतनि सा 11 गेलेगिरिफोरा बाहागो लागोन। जेराव 76 आइपीएल मेच गेलेखानाय सिद्धार्थ त्रिबेदीआबो बाहागो लागोन। आगदा आखायनि गोखों बल खुबैग्रा त्रिबेदीआ राजस्थान रयलसनि थाखाय बयनिखुइबो बांसिन 65 उइकेट लानो हादों। बिखौ सेन्ट लुसिया



आमेरिकान्सआ सायख'दों। दिल्ली रणजी टीमनि लेडइ केप्टेन जाखानाय मिलिन्द

दिल्लीनि रिहिंग्या रिपुजि केम्पआव अर नांनयजों गं 50 निखुइ बांसिन रिपुजिफोरनि न'आ खामनानै सेवहांगार जायो

गोदान दिल्ली, 13 जुन: खोला-सान्जा दिल्लीयाव कालिन्दी कुन्ज मेट्र स्टेशननि खाथियाव थानाय शनिबारनि हर गेजेराव गंसे रिहिंग्या रिपुजि केम्पआव अर नांनयजों गं 50 निखुइ बांसिन न'फोरा खामनानै सेवहांगार जायो। सासे गागि अर हुखोमोरग्रा बिफाननि बिबानगिरिआ फोरमायनाय बायदिब्ला, बे जाथाया थानाय शनिबारखालि जायो आरो दमखल बिफानआ हरनि 11.55 रिगायाव बेनि खौरां मोनो। बे अर खामनाय जाथायाव रावनिबो जिउ ख'हा जायाखै। बबेखानि बे जाथायनि सोमोन्दै बिबानगिरिया फोरमायोदि,



कालिन्दी कुन्ज मेट्र स्टेशननि खाथियाव थानाय मदनपुर खादरआव अर नांनयनि खौरां मोननाय लोगो -लोगो दमकल बिफाननि गंभा गरिफोरखौ थाबेनो जाथाय जानाय दायगायाव दैथाय हरनाय जायो। फुनि 3 रिगायाव बे अरनि सायाव सामलायनो हायो। पुलिसनि बायदिब्ला कालिन्दी कुन्ज थानानि सिडव थानाय रिहिंग्या केम्पआव अर नांनयनि सोमोन्दै मोनसे पिसिआर कल मोन्दोंमोन। बे रिहिंग्या रिपुजिफोरनि केम्पआव गासै गं 270 न'फोरा डड। आथि खालाव बे अर नांनयनि जाहोनखौ मिथिनो मोननाय जायाखै आरो गाहामे आयेनारि नायबिजिरनाय जागासिनो दड।

उर काप 2020 क्रिस्टियान एरिक्सनआ फोथाराव बेहुस जानायनि उनाव डेनमार्कआ मेचयाव जेन्दों



कपेन्हेगन, 13 जुन: इउर' फुटबल चेम्पियनसिपआव क्रिस्टियान एरिक्सनआ फोथाराव बेहुस जानायनि जाहोनाव फिनलेन्डआ डेनमार्कखौ 1-0

जों फेजेन्दों। गिबि हाफनि जोबथा समाव एरिक्सनआ फोथाराव बेहुस जायो आरो बिखौ थाबेनो फाहामथायनि थाखाय देहा फाहामसालियाव थिसन नाडे, जायनि जाहोनाव 90 मिनटसिम मेचखौ दोन्थ' नाडे। डेनमार्क फुटबल महासंघा बुंदों एरिक्सनआ हुस मोनबाय आरो बिनि देहायारि थासारिया गोब्राबयैनि दं। डेनमार्कनि कच सास्पर जलमेन्डआ बुंदों बेबादि थासारियाव मेचखौ गेलेनो हाया। जों जा नाजादों बेयो गोमोथाव। नैथि हाफयाव गेलेगिरिफोरखौ मेच गेलेहोनाय जादों। जेब्ला बे मेचआ जागायफिनयो। अब्ला पजनपालआ 60 मिनटआव फिनलेन्डखौ आवगय होयो। बियो जेरै उरनेननि क्रसयाव खरजों गलखौ सोडे। डेनमार्कनि गलकिपार कास्पर ल्माइकेलआ बलखौ आखाइजों होबथानो

नाजादोंमोन, नाथाय हायाखै। डेनमार्कआ फुरा मेचयाव गोहोखौ दिन्थिनो हादों। नाथाय फिनलेन्डआ गल सोनो खेबसेल' खाबु मोनो। डेनमार्कआ गल सोनो 6 खेब खाबु मोनब्लाबो गलखौ सोनो हायाखै। डेनमार्कआ 74 मिनटयाव फेनाल्टी मोननाय गल सोनो खाबु मोन्दोंमोन। नाथाय रेडेकीआ आगसि आथिंजों पियरे एमिल हाबजर्गनि गल सोनो नागिरनायखौ होबथायो। फिनलेन्डआ दासो गिबि खेब गिदिर टुर्नमेन्टयाव गेलेजेन्दोंमोन। नाथाय बिनि हादतनि फुटबल जारिमिनाव देरहानायनिखुइ बांसिन एरिक्सननि हरखाबै बेहुस जानायासो सावराय जादों। फिनलेन्डनि फारवार्ड टीम पुकीआ बुंदों बेयो गावनि केरियारनि गोब्राव मेचफोरनि गेजेराव मोनसेमोन। जों थांखि लादोंदि, डेनमार्कनि टीम जा हाबा मावगोन जौबो बेखौनो मावगोन। फोथाराव थांफिनानै मेच गेलेनाया गोलै नडमोन। नाथाय जेब्ला गासिबो थिकयै दंजोबयो होन्नानै खोनाब्ला जों मेचनि सायाव नोजोर होनो हायो। जोबथायाव जाजं देरहानायखौ मोनो हायो, जायनि सायाव गौरबखौ मोन्दांथिदों। एरिक्सननो फोथारावनो 10 मिनटसिम फाहामथायखौ जगायना होनाय जायो आरो बेनि उनाव बिखौ देहाफाहाम सालियाव थिसननाय जायो। मोनैबो हान्जाना उनाव इमार्जेन्सि जथुमा खुडे आरो एरिक्सननि देहायारि थासारिया गोब्राबयै दं होन्नानै मोनथिनयनि उनाव बिसोरो मेचखौ गेलेनो थांखि लायो।

सि आर पि एफआ नक्सालिफोरनि सायाव नायबिजिरनो थाखाय संगालि तन्नखौ गोखौ खालामगासिनो दड

गोदान दिल्ली, 13 जुन: मिरुआरि रैखाथि हान्जाया नक्सालि होबथानाय अपारेशन आरो नक्सालि कामान्दारफोरनिसिम सौहेनो थाखाय जायगानि संगालि तन्नखौ गोखौ खालामगासिनो दड। जायगानि थाखोयाव लाइमोनफोरनि गोसोखौ बोनायानो नक्सालिफोरनि सोलोखान्थि। सुलुनि बायदिब्ला, नक्सालि कामान्दारफोरनिसिम गोजाननि हाग्रायाव सौहेनाया गोसले नडा। बेनि गेजेरजौ नक्सालिफोरा




गावसोरनि संगालि तन्नखौ जोबोद गोखौ। बेनिखायनो

बिसोरनि हेथायै रैखाथि हान्जा आरो एजेन्सिफोरजौ जायगानि

पुलिसफोरजौ लोगोसे जायगानि सुबुंफोरनि संगालि तन्नखौ

भारतआव 6-12 बोसोरनि गथ 'फोरनि सायाव करना भेक्सिननि आन्जाद नायनाया जागोन



गोदान दिल्ली, 13 जुन: एम्सआव गथ'फोरनि सायाव करनानि भेक्सिनखौ आन्जाद नायनायनि हाबाफारिया सोलिदौं। 12 निफ्राय 18 बोसोर बैसोनि माखासं गथ'फोरनो कभेक्सिननि गिबि

ड्रपखौ होनाय जाखांबाय। बे हाबाफारियाव नो आधिखालआव समबारआव 6-12 बोसोरनि गथ'फोरखौ स्क्रीनिं खालामनाय जागोन। बेन उनाव 2-6 बोसोरनि गेजेरनि भेक्सिनखौ होनायनि उनाव

2-6 बैसोनि गथ'फोरखौ स्क्रीनिं खालामनायनि हाबाफारिया जागायगोन। मख'नो गोनादि, हादतनि माखासं देहा फाहामसालिफोरव 2-18 बोसोरनि 525 गथ'फोरनि सायाव कभेक्सिनखौ आन्जाद नायनाय जागोन। एम्सआव गिबियाव 12-18 बैसोनि 30 गथ'फोरनि स्क्रीनिं खालामनाय जादौंमोन, जायनि गेजेराव माखासं गथ'फोरनो भेक्सिन होनायनि उनाव नैथि बर्गनि गथ'फोरखौ स्क्रीनिं खालामनाय जागोन। स्क्रीनिं रिपटआ फैनयनि उनाव 6-12 बोसोरनि गथ'फोरनोबो ड्रपखौ होनाय जागोन। बेन उनाव 2-6 बोसोरनि गेजेरनि गथ'फोरनि नम्बारआ फेगोन।

एम्सआव बुधबारआव 12-18 बोसोरनि गथ'फोरनि सायाव भेक्सिननि आन्जाद नायनाया जागायगोन। ड्रप लाखांनयनि उनाव साफ्रोमखौबो न'आव दैथायहरनाय जागोन। आधिखालाव एम्सनि जखफोरा गथ'फोरनि गाहाम देहानि खौरखौ बिसोरनि बिमा-बिफोरनिफ्राय लाबाय थागोन। 28 साननि उनाव एन्टीबडीखौ नायबिजिरनाने बिसोरनो नैथि ड्रपखौ होनाय जागोन। बेनि सिगां बे गथ'फोरनि गाहाम देहाखौ नायबिजिरनाय जादौंमोन। नायबिजिरनाय रिपटआव आबुडे गाहाम देहा मोन्नायनि उनाव बिसोरनो भेक्सिनखौ होनाय जादौं।

लाजपत नगरनि श्वरुमआव अर खामनायखौ क्राइम टीम आरो फरेन्सिक टीमआ नायबिजिरगोन

गोदान दिल्ली, 13 जुन: दिल्लीनि लाजपत नगरनि सेन्ट्रल मार्केट ओन्सोलाव गिखंथाव अर खामनायनि केसआव क्राइम टीम आरो फरेन्सिक टीमआ जाथाय जानाय जायगाखौ नायबिजिरदौं।

पुलिसआ अर खामनायनि सोमोन्दोयाव आइ पि सिनि धारा 285 नि गेजेरजौ केस थिसनाने जाथायखौ नायबिजिरनायखौ जागायजेनबाय। लाजपत नहर सेन्ट्रल मार्केट ओन्सोलाव अर खामनायाव गं 5 श्वरुमआ अर

खामनायनि सेव हांगार जादौं। बे जाथायाव रावनिबो जोखोम जानायनि खौरं मोन्नाय जायाखे। श्वरुमनि सिखड दोन्नाय गसिबो सि-जोमआ खामजोबदौं। अर खोमोखा बिफाननि बादिब्ला फुनि 10.00 सिगा 20 मिनटआव

अर खामनायनि खौरं मोन्नाय जादौंमोन, जायनि उनाव अर खोमोखा बिफाननि गं 16 गारिफोरा जाथाय जानाय जायगायाव सौहेयो। अर खोमोखा बिफाननि मावसुमाफोरा जाथायसालियाव सौहेब्ला गं 4 श्वरुमआ अर खामनायनि आरो उनाव 5 थि श्वरुमआवबो अर खामो।

उन्दुनाय फिसाइखौ फोजानाने बिसिया खैफोदाव गोलैदौं, फिसाया बिसिनि सायाव दाबा सुरिजौं गाग्लोबदौं

गोदान दिल्ली, 13 जुन: शाहदरनि कृष्णा नोगोराव उन्दुनायनिफ्राय फोजानायनि सासे सुबुड बिसिखौ दाबा सुरिजौं गाग्लोबदौं। अदेबानि दायनिगिरिआ बिसिनि आखायाव, आधि, बिखुं फेन्दा आरो आधिडाव दाबा सुरिजौं दानो। बेनि उनाव गोब्राबै जोखोम जानाय आइजोखौ देहा फाहामसालियाव थिसननाय जायो। पुलिसआ बुथारनो नाजानायनि केस थिसनाने दायनिगिरिखौ ग्रेप्टार खालामो। सुलुनि बायदिब्ला 32 बोसोर बैसोनि सन्जनाआ नख'रजौं लोगोसे कृष्णा नोगोरनि कौशिकपुरियाव थायो। बिनि नख'राव फिसाय गौतम आरो साथाम फिसाफोर थायो। बेरा फारसे गौतमआ जौ लोडो आरो बियो खामानि मावआ। बिनि बिसि सन्जनाआसो फिसा-फिसौ खामानि मावनाने नख'रखौ सालायो खरसा खालामो। सन्जनानि



बायदिब्ला, थानाय बृहस्पतिवार खालि गौतमआ जौ लौनाने उन्दुदौंमोन। बेयावनो सन्जनाआ फिसायखौ फोजाना बुडे, सानसे उन्दुबायल' थायो। माबा मोनसे मावनो हायो। बेबायदि बुंनयाव गौतमआ रागा जोडे। बेनि उनाव बियो सन्जनानि सायाव दाबा सुरिजौं गाग्लोबो। सन्जनाया सानायजौं हसिखावो। बिनि हसिखावनायखौ खोनानाने खाथियाव थाप्रा सन्जनानि बिमानाव खारनाने फैयो आरो पुलिसनो खौरं होयो। बेनि उनाव सन्जनाखौ थाबैनो डा० हेडगवार देहा फाहामसालियाव थिसननाय

जायो, जेराव बिनि फाहामथाया सोलिगासिनो दड। जाथाय जानाय जायगायाव सौहेनाने पुलिसआ दायनिगिरि गौतमखौ ग्रेप्टार खालामो आरो बे जायगानिफ्राय दाबा चरिखौबो नागिरना मोनो।

आमेरिकानि टेक्सासआव गुलि गावनायाव सा 13 सुबुंफोर जोखोम जादौं, सानैनि थासारिया गोब्राब

ह्युस्टन, 13 जुन: आमेरिकानि टेक्सासआव थानाय आस्टिन शहराव थानाय शनिवार खालि जानाय गुलि गावनायाव सा 13 सुबुंफोर जोखोम जायो। बेयाव सानैनि थासारिखौ गोब्राब होना फोरमायनाय जादौं। पुलिसआ फोरमायनाय बायदिब्ला, जाथाय खालामग्राया हर गेजेरनि 1.24 रिगायाव फेदौंमोन। बेनि उनाव हसिखावै गुलि गावनायाव, जाहाथे मथर-गारिफोर आरो होंगो-दोंगोखौ होबथानो हायो। गुलि गावनायनि सोमोन्दे दासिमबो देवो खौरं मोन्नाय हायाखे। बेयाव बिसिबो अन्जमा दडमोन बेखौ मिथिनो हायाखे। बे गुलि गावनायाव जोखोम जाग्राफोरखौ देहा फाहामसालियाव थिसननाय जाबाय। बे जाथायखौ टेक्सासनि सुबुं रेखाथि बिफान आस्टिन पुलिसजौं लोगोसे बे जाथायखौ नायबिजिरनासिनो दड। बे जाथायाव रावनिबो जिउ ख'हा जायाखे। जाय ओन्सोलाव बे जाथाया जादौं बेयो होंगो-दोंगो जाग्रा ओन्सोलाव आरो बेयाव माखासे बार आरो रेस्टुरेन्टफोरजो दड। आधिखालाव जोखोम जाग्राफोरनि जिउखौ रेखा खालामनो थाखाय इमारजेन्सि रखा खालामनाय जादौं।

पाकिस्तानाव करनानि नैथि दोहौ फेगोनखौ हमदांनाने सांग्रांथि थियारि खालामनो विथोन होदौं

इस्लामाबाद, 13 जुन पाकिस्ताननि सिन्ध राइज्योयाव करना इन्फेक्सननि ब्रैथि दोहौ फेगोन सन्देहजौं गिखानाय थासारि नुजाथिदौं। सिन्धनि सुबुं सानखो आरो गाहाम देहा जौगाखां मन्थि डा० अजरा फजल पेचुइया मोनसे जथुमायाव बेखौ फोरमायनाय राइज्योआव भेक्सिन थुनाय हाबाफारिखो गोखौसिन खालामनो विथोन होयो। बे जथुमानि उनाव फोसावनाय



फिन होनथाव बुंनयाव जादौंदि, सिन्ध राइज्योआव करना इन्फेक्सननि ब्रैथि दोहौनि जेना

नएडा, 13 जुन: ग्रेटर नएडाआव यमुना एक्सप्रेस-वेआव रबिबार फुडव जानाय मोनसे लामानि जाब्रथायाव नख'रसेनिनो सा 3 सुबुंफोरनि जिउया ख'हा जायो आरो सानैनि गुबुनफोरा जोखोम जायो। जोखोम जानायफोरनि थासारिखौ गोब्राब होनाने मिथिनो मोन्नाय जादौं।

थैनायफोरनि सिनायथिखौ सन्त कुमार 40 बोसोर, उषा देवी 50 बोसोर आरो सतपाल सिं 30 बोसोर होना मिथिनो मोन्नाय जादौं। बे जाथायनि खौरं मोन्नाय लोगो-लोगो जाथाय जानाय जायगायाव सौहेनाने पुलिसआ गोथै सहफोरखौ परस्टमटैमनि थाखाय दैथाय हबयाय।

बे जाथायनि सोमोन्दे पुलिस कमिशनर आलक सिंआ फोरमायोदि, रबिबार फुनि 5.00 रिगायाव सनुआ गावनि बिफा प्रताप सिं, बिमा उषा देवी, बिनि बिमाय सन्त कुमार आरो सतपाल सिंजौं लोगोसे गंसे काराव गाखोनाने ननपद औरैयानि बिधुनानि यमुना एक्सप्रेस वेनि लामाजौं



दिल्लीयाव थांबाय थार्दौंमोन। बेयावनो बीटा 2 थाना ओन्सोलाव यमुना एक्सप्रेस वेनि लामा सेराव गात्रि जानाने थानाय गंसे ट्रकजौं बिसोरनि कारआ सौग्रावो। बे जाथायाव साबाबो गोब्राबै जोखोम जायो, जायफोरखौ फाहामथायनि थाखाय गंसे गावारि देहा फाहामसालियाव थिसननाय जायो आरो बेयावनो डाक्टरफोर सन्तप, उषा देवी आरो सतपालखौ थैबाय होना फोसावो। बेरा फारसे बिफा-फिसाज्ला सनु आरो प्रतापनि थासारिखौ गोब्राब होना सुलुडाव फोरमायनाय जादौं। मिडियाआ फोरमायनाय बायदिब्ला, पुलिसआ बे जाथायखौ नायबिजिरनासिनो दड। बिसोर गासै सुबुंफोर दिल्लीनि 22/ए 139 महन गाडैनि, उतम नोगोरनि थागिबि।

बे जाथायनि सोमोन्दे पुलिस कमिशनर आलक सिंआ फोरमायोदि, रबिबार फुनि 5.00 रिगायाव सनुआ गावनि बिफा प्रताप सिं, बिमा उषा देवी, बिनि बिमाय सन्त कुमार आरो सतपाल सिंजौं लोगोसे गंसे काराव गाखोनाने ननपद औरैयानि बिधुनानि यमुना एक्सप्रेस वेनि लामाजौं

बे जाथायनि सोमोन्दे पुलिस कमिशनर आलक सिंआ फोरमायोदि, रबिबार फुनि 5.00 रिगायाव सनुआ गावनि बिफा प्रताप सिं, बिमा उषा देवी, बिनि बिमाय सन्त कुमार आरो सतपाल सिंजौं लोगोसे गंसे काराव गाखोनाने ननपद औरैयानि बिधुनानि यमुना एक्सप्रेस वेनि लामाजौं

बे जाथायनि सोमोन्दे पुलिस कमिशनर आलक सिंआ फोरमायोदि, रबिबार फुनि 5.00 रिगायाव सनुआ गावनि बिफा प्रताप सिं, बिमा उषा देवी, बिनि बिमाय सन्त कुमार आरो सतपाल सिंजौं लोगोसे गंसे काराव गाखोनाने ननपद औरैयानि बिधुनानि यमुना एक्सप्रेस वेनि लामाजौं

हायनारिनिस्मि

जौमोन बैसोआव हायनारि हिसाबै
हास्थायो आं नोंखौं जीउआव ।
रुगुं गैयै बे फैलाव बुहुमाव
हास्थियै-हास्थियै सफैबाय आं नॉनि साखाथियाव ।
बोज'बना लादो हायनारि
आंनि गोबों बिखानि थार अन्नाय ।
सान अखाफोर साखि दोन्नायै
लागोन आं समायखिरा
खालामगोन आं नोंखौंनो जीउनि लोगोरि ।
दहाय ! हायनारि.....
दा दोनलां दावदाव आंनि गोबों बिखायाव
खामरिल नांगोन आंनि जीउआ थैजासिम ।
जौमोन बैसोनि बोरनाय गोसोआ
नोंखौंनो अराय नोजोरनि सिगाडव लुबैयो,
नोंखौं नुवाब्लानो आंनि गोसोआ बायगिलयो,
हर-सान नॉनि सानथियावनो दोबै नाडो ।
हे हायनारि ! नोंनो आंनि जीउनि थिखानाय दावमैना
दा खालामसै आंखौं बोदोर
बारफैदो आंनि बिबार बागानाव
बारसे समायना बिबार महरै,
गोजोनगलाय होफैदो आंनि बिखाखौं
नेनानै दं आं बोदोर गोसो लानानै ।

जाफुं बर'
मशलपुर कलेज, एइच.एस. नैथि बोसोर ।

लिमारिक

(1)
मोजां मोनाबालाय मानो आं नोंखौं फुजा
खालामो ईसोरनि खाथियाव मोनगौवा
मोनगौवा नोंखौं
सोगोंआदि आंनि थोथोर बोथोर
समआलाय थांबाय बेबादिनो बोसोर बोसोर
बे जोनोम मोनसेआव जुलि लानो लुबैयो
आं नोंखौं ।
(2)
उनथिं नायोबोला भुमिकानि महर
मादि जादु गोनां नॉनि थाबायनाय महर
बिखायाव खलम लाथिनानै लिरना हरदोंमोन
आं नॉनिस्मि लाइजाम गानै ।
सानफ्रोमबो नुजाफैयो आंनि गोसोसिडव
नॉनिल' महर ।
(3)
दानि सिख्लाफोरखौंलाय मा नायनो ?
नुबोला लुबैलायगोन गोसोसो थोनो
हाबाब मादि सना मुखि दाउ मैनानि राव
रायज्जायो बिसोर बयजोंबो इंराजील' राव
बिसोरनि लामा दथायाव थानानै सेंग्राफोरखौं
एदाव नायखौं मा नायनो ।
(4)
सानदोंमोन आं अनजालि मुंनि
नोंखौंनो आं बे जोनोमआव हावा
खालामनो,
नाथाय नोंदि आंखौं नेउसिलांबाय
जानांबाय आं दिनै गोदाउ सोराव ।

प्रेम गयारी
बेंतल
ला:सो:- आमलाइगुरी
जिला- चिरां, बि टि सि
बैसो- जिगु (19) बोसोर ।

रंजालिनि सिमां

नुदोंमोन आं मैयासो
हर गेजेराव रंजालिनि सिमां,
नाथाय गैया आंहा मोगथांआव,
सासेबो गोरबोनि अनजालि ।
'रंजालि नोंखौं मानो सोरांआव
नुनो मोना मानो ?
हरनि उन्दुनाय समावल'
नुजाफैयो मानो नों आंजों ।
गैया आंहा मोगथांआव
नों बादि सासेबो अनजालि
दड गुबुनहा गाव गावनि असे
नुयोबोला आं मालायनि रंजा बाजा ।
नाथाय गैया आंहा सासेबो अनजालि
अनजालिनो मोगथांआव नुजाफैदो
आंजों नों मोगथांआव गेले फेदो
आंनि मोदेखौं नोंनो फुगारदो ।

मुसि रिनदाव बसुमतारी
गामि- 12 नं भुमका बिसिममुरी
जिल्ला- कक्राझार, बिटिसि ।

मोगथाडासो सिमां

जेब्ला आं सिरिये गोदोहाबो
सानबोलावरनि देरायाव
अब्ला जाखांफैयो फिर फिरनो
मोगथाडा सिमां बादि
सिग्लाबलाडो फारनैबो खावलाय ।
गिसिखालाडो ज्राम ज्राम हाब्रां ।
अब्ला आं आरो रासिननिफ्राय रासिन मिनिसिनो,
गोसोनि मोदैखौं गोसोआवनो
थाथोंसे साननानै-
नाथाय गुबुनाय बान्दोनिस्सो
महर लायो... ।
सोंनाय फैयो.....
बवे बिखाया बवे गोसोजों सहायखो ?
माबोरै..... ?
जिउआ जिउनिनो
ना..... फोजोबग्रासो ?
खासि बिसिनो.... ?
बेखायनोसो नामा रजे
सिमाडा सिमां नडा
मोगथाडासो सिमां ?

मुसि रंजालि गयारी
इउ एन एकाडेमि
थाखो- 10 (जि)

रंजालि गथ' फोरनि सौरा

महर बोगोरि

महर बोगोरि आं बे मुगानि
हागोनदा आखिनो-
गोसो गोबोंनि सान्नायखौं- ?
सानो आं गोसोनि बाथ्राखौं फोरमायनो
सुबुं लैथोनि बिखायाव रान्ना होनो
नाथाय सौर मिथिनो ?
आंनि थुलिखानि रावखौं-
सुबुंनि नोजोराव जीउ गैयै आं
सैना दोन्नाय गंसे सावगारीसो
रायदावगोन सौर आंखौं ?
मिथि मोनगोन दा- ?
थुलिखानि खायलें खुइलें बोनाय
राव गैयै सावगारीनि गाबखौं ।
नाथाय बेयावनो थाखोमादों
गासै आंनि-
सुखु-दुखु गाबनाय मिननाय मॅनाय-बानाय ।
हे ! सुबुं माहारि-
अन्नानै नाय नुनो मोनगोन
सान्नाय नाय बुजिमोनगोन
रायज्जायनानै नाय राव मोनगोन
दानानै नाय साखाथियाव मोनगोन
आगानफ्रोमबो दावगालानायाव
आं थुलुंगा मोनगोन ।

पबित्र बसुमतारी ।
कक्राझार मिउजिक एन
फाइन आर्ट कलेज ।

दुखुनि हांमा

सौर मिथिगौ आंनि दुखु-दाहा
खामग्लिनाय गोसोनि मोन्दै हुगारनायखौं
बावगार हाया नोंसोरनि अन्नाय गोजोनहोनाय
सानसेबा गाबनाय सानसेबा मिननांनाय
मा जाखो आंनि जिउआ
बुंस'नो हायासै आं आंनि जिउखौं ।
दुखुनि हांमा बोयै दाहानि खन्थाय लिरे लिरे
थानोसै आं बे संसाराव ।
सौर दड आंहा बे मुलुगआव ?
गैया आंहा रावबो संसाराव
आंनि गोरबोनि गाबनायखौं सौर मिथिनो
अराय सम दुखुनि हांमा बोनानै
थाबाय आं संसाराव ।
सौर आय' होन्नो आंनि गाबनाय
सौर मिथिनो आंनि दुखु दाहा
बावनो गाबनाय बावनो मिननाय
थायो आं अरायसम दुखुखौं गोसोयाव
दोन्नाय मिनखुसि रंजा बाजा
सौर मा होनानै गोजोन होगोन ?
मिथिस' हाया आं ।
गैया आंहा आंगो बिमा बिफा बिब' बिनावाव
संसारजों मुगे जानाय बे जिउवा हावरिया
जारिमिन जानानै थालांबाय आंनि
बे बेसेन गैयै जिउवा ।

मिस रिखु नार्जारी
इउ.एन.ब्रह्म गोजौ फरायसाली
थाखो- एइस.एस.एल.चि. सेकेन्ड इयार
गामि- 7 नं आफ्लागाव
जिल्ला- कक्राझार, बिटिसि (आसाम)

ऐं जोमै

थादयै नायफिनै नों
दाखा-दाखा महरै
बबाव थांनो उरायै
नोंनि महरखौं आं नायै
बुजिबाय नों थान्दै ।
रथ' रथ' जोमै
गोसो इंसिनि खोथा लांफाथ',
ददेरे मायनावनि लागै
हायोब्ला लांफानो जोमै
थांनानै नों, जानानै अखा
फोरमायहै नों
जुजाय अरनि खोथा
आंखौं खामनायनि ।
हाबिलास जाबायदों जानांगौ
बियो आंनि खोथा मोन्नो,
थां जोमै थां
गोखोयैनो थां ।
आरो दा बावगारदे
बिनि खोथा मोनबोयोब्ला
जोंनि गामिजों नों फैफिनोब्ला
आंनो बिलाइलानो ।

मुसि फेस बर'

फैफिन नों रजे

मिस कल्यानी बसुमतारी

आंनि गौरा गोसोआव नों जेब्ला
लुफावफेदोंमोन अन्नायनि फिथिखा
नोंनि थार अन्नाया
लासै गेलेम लांदोंमोन गोरबो बिखा ।
जेब्लानों गोरबोनि लांदां मासियाव-
साननैसोनि आलासि जाना जिरायनायाव,
बुंनाय बैफोर नोंनि राव फावआ
दड दाबोनो गोरबोनि दायरिफोराव रोखा रोखा ।
दिनै सुथुरनि नाखेबनायाव-
गोसोआ नॉनि आंनिफ्राय बेसेबा गोजानाव
सुथुरखौं गियोब्ला
मानोथो मोजां मोना सना ?
गोसो सिखाव जानानै रजे
मोजां मोनलायनायनि गाथोनाव दागेले ।
नोंनि अन्नायखौं लानानै
बावलांबायमोन आं दुखुनि सोमोन्दै,
नाथाय नॉनि फोथाय खेबस अन्नाया
दिनै सोमजिहोबाय गोरबोआव हांमा... ।
नोंनि थाखाय सुजुनाय सिमाडा
सिमाडैनो गोमोरलांनयबाय सना,
नोंखौं लानानै लुनाय मिजिंनि देरायावलाय
सुथुरनि लुफावनाय अरा जोंब्लाउ फैबाय ।
नों आंनि गोजान जादोंब्लाबो
गोमोराखै रजे नॉनि सावगारिया गोरबोनिफ्रायनो ।
सिमाडा आंनि नॉनि थाखायल
मोगथाडाव नॉनि अन्नाय मोननायनिल ।
गोरबोआव आंनो मोदैन आगान होलांनानै
आंनिफ्राय जानगारखो नों मा गोसो लानानै ?
मॅग्लिनाय सोलेरखौं लानानै
दड आं नोंखौंनो नागिरबायनानै,
नाथाय दिनै आंनि दावबायनाय लामायाव,
गाब्रफलांबाय आं सुनि बेहेराव ।
आंथिनि सुखौं बखनानै
सानदोंमोन आं आगान सुरफिननो गोदाने,
नाथाय बखनो हायाखिसै आं रजे
नाजाब्लाबो गले गले ।
आंथिनि सुखौं बखनो-
नों नडाब्ला हानाय नडा रावबो ।
दड आं दिनै जग्रबनानैसो बे सुनि बेहेरावनो,
थैजासिम बेवनो थाबाय थानानै
नोंखौंनो आं लामा नायबाय थासै ।
माब्लाबा आंखौं गोसोखांफिनोब्ला
अनसाय फैफिननो दाबाव सना
बे लामाखौं सं दाननानै सानसे-
आंनिस्मि फैफिन नों रजे.... ।

फरायसुला आं

फरायसा जीउ आं बे बुब्लिआव
नडा रंजानायनि बे मुलुगाव ।
थांखि दड आंहाबो बे उजिआव
जीउखौं लानानै सोरां खालामनायनि ।
मैयासो गोरलैमोन आं-
दिनै जाबाय आंबो अनसुला फरायसुला ।
गोदोसोना थानाय बर' हारिखौं'
फरायसा जाना बोखांफिननो आंबो थियारी ।
गोसोनि आयनायाव, बोनाय सावगारी
जाफुंगोन दा बियो सानसे आं बुंस' हाया ।
गोसोनि मन्दिराव बारनाय बिबारा,
गेवलांगोन दा बियो सानसे आं बुंस' हाया ।
बर' आ हारिखौं सिनायनो रोडबोला
बर' बिमानि रावखौं लाया बोला-
बे बुहुमाव जों खौसे जायाब्ला
जों अराय आनदाय नांगोन ।

मुसि पबन ब्रह्म

कक्राझर जिल्लानि अभयकुतिनि सानै रुंसारि हिन्जावसानि दुखुथिया नख 'रआव गिबि मन्थ्रिनि आगान

बिफाननि मावख 'गिरि थामहिनबा जिल्ला एसपिजो जाथायनि सायाव गुवारै सावरयलायनाय जायो। अदेबानि अभयकुतिनि रबिता राभा आरो समायना राभानि जिउ फोजोबनानै लानाय जाथायाव माबा मोनसे रहस्य एबा सन्देह थानायनि असिलायै पुलिस बिफाननि संदान्नाया सोलिगासिनो थार्दोब्लाबो बे जाथायनि सायाव सोरबा दुथानि लोब्बा थानाय जाथायनि फासै बांसिन फोथायथि लानाय जादों। मानोना नख 'रआव जेबो दावराव-दावसि आरो हिंसायारि जाथाय सोमजियालासे बे रोखोम फांसे बिफाझव नख 'रसेनिनो सानै हिन्जावसाया जिउ फोजोबनानै लानाय जाथाया बयनिबो गोसोआव मोनसे संखिखानाय आरो सन्देह लाबोदों। बेराफासै कक्राझर पुलिस खुंथाया बे जाथायनि सायाव नायबिजिरनाय आरो संदान्नायनि गेजेरजों बे जाथायनि सायाव लोब्बा एबा सोमोन्दो थानायनि सन्देहजों दासिम सा 5 सुबुंफोरखौं हमनानै कक्राझर पुलिस थानासिम लाबोनाय जायो। बबेखानि पुलिस बिफानआ जाथाय सोमजिनयनि 24 घन्टा समनि उनावबो बे जाथाय सोमजिनयनि गुबै जाहोनाखौं रोखायै फोरमायथियाखैब्लाबो जाथायनि सायाव संदान्नाया सोलिगासिनो होन्नायै खौरंगिरिनि सिगाडाव फोरमायथिदों। दिने रबिबार फुबिलि समनिफ्रायनो दुलाराय आसाम राभा फरायसा आफाद, राभा अटनमास काउन्सिल, दुलाराय बर' फरायसा आफाद, दुलाराय राभा आइजो अन्साइ आफादजों लोगोसे गुबुन गोबां आफादफोरनि दैदेनगिरिफोरा जाथाय सोमजिनय दुखुथिया नख 'रआव दावबायहैनानै खौरं लाहैनयजों लोगोसे बे जाथायनि सायाव गोखोडै नायबिजिरनायनि गेजेरजों जाथायजों लोब्बा थानाय दायनिगिरिफोरखौं थाबेनो हमनानै आइन बादिदै गोखों साजा होनो बिटिआर आसाम सरकारनि खाथियाव दाबि दैखाडो।

तामुलपुरनि एम एल ए लेहराम बर 'नि न'आव गिबि मन्थ्रिया दावबायहैदों

एल एनि सानै फिसाज्ला हिरकज्यति बर' आरो पियुजक्रान्ति बर'नि गावनि आथिडव गसंथानो हानाय राहा खालामनानै होनो खोथा होयो। रुंसारि एम एल एनि नखर'नि सोद्रोमाफोरजों सावरयलायनायनि उनाव खौरंगिरिफोनि मोगा-मोगि लानाय समाव बिथाडा बुडोदि, तामुलपुर बिथाबनि एम एल एनि रुंसारि जानायनि उनाव माखासे जेना नुजाथिनयनि जाहोनाव दुखुथिया नख 'रनिमिस खौरं लानो हायाखैमोन आरो दिने बि टि सिनि गाहाय मावफुं सोद्रोमा प्रमद बर 'जों लोगोसे फैनानै बिथानै एम एल एनि न'आव दावबायफैनानै नख 'रनि सुबुंफोरनि सुलु लाफैदों। रुंसारि एम एल ए लेहराम बर'आ तामुलपुरखौं गोदानै लुफुंनयनि मोनसे सिमां दड'मोन। बे सिमांखौं मोगथां महर होनो थाखाय तामुलपुरनि सुबुंफोरा खामानि मावनो नांगोन आरो आंबो गिबि मन्थ्रि महरै जेसेबां हायो एसेबां नाजागोन। गिबि मन्थ्रिया नख 'रनि सोद्रोमाफोरजों लोगोसे गासै 20 मिनिट सम सावरयलायनानै गुवाहाटीसिम गिदिलांफिनो। खौरंगिरिफोरनि मोगा-मोगि लानाय समाव एम एल एनि फंबाय प्रबिर बर'आ बुडोदि आसामनि गिबि मन्थ्रि ड० हिमन्त बिश्व शर्माया जॉनि न'आव फैनानै सुलाद लाफेनयनि थाखाय गिबि मन्थ्रिनिसिम थोजासे साबायखर बाउहरो। गिबि मन्थ्रिया जाहाथे आनि बिदानि फिसाज्ला पियुजक्रान्ति बर' आरो हिरकज्यति बर'नि इयुनि खोथा सानानै फिनसुंथानि राहा लायो बेखौं मिजिथियो होन्नायै फोरमायो। गिबि मन्थ्रिया तामुलपुराव थानाय एम एल ए लेहराम बर'नि न'आव दावबाय हैनाय समाव बाक्सा जिल्ला बि जे पि आरो तामुलपुर मन्डल बि जे पिनि दैदेनगिरि-मावथि सोद्रोमा, बरमा बिथाबनि एम एल ए भुपेन बर', गायबारि, नाग्रिजुलि, दारांगजुलि, नाउकाटा आरो गेरस्वर बिथाबनि एम सि एल ए, बातांपिखिलिनि नेहाथारि ब्रजेन्द्र नाथ डेका, तामुलपुर मिडनिसिपाल बर्डनि बिबानगिरि प्रफुल्ल चन्द्र महन्तजों लोगोसे तामुलपुर ओन्सोलनि गागि सुबुंफोरबो बाहागो लादोंमोन। गुबुन फासैथि बि टि सिनि गाहाय मावफुं सोद्रोमा प्रमद बर'आ दुलाराय आसाम मावफारिया आफादनि नेहाथारि मृनाल दासनि नख 'रअव दानबायहैनानै नख 'रनि थासारिनि सायाव सुलाद लाहैयो।

जौथायनि जोबथायाव गिदिर ख 'हाजों मुलुगआ भुगिनांनो हागौ: बोथोर बिगियानगिरिफोर

सोलिसयास खम खालामनो हायैनि जेनानि फारसे जि 7 हादतफोरनि दैदेनगिरिफोरखौं नोजोर होहोनो हादों। बिगियानगिरिफोर बुंदोंदि, जुदि बिदुड खम जायाब्ला, मुलुगआ गिदिर रंखान्थि, आबहावा आरो सुबुंनि ख 'हा जानांगोन। बै समाव बेफोर जेनाखौं सुस्रानायनि राहाबो थाहैनय नड। बिगियानगिरिफोर पेरिस रदायनि थांखिफोरखौं गोसो खांहोनानै बुंदोंदि, 6 बोसोर जोबलानायनि उनावबो बिदुंखौं खम खालामनाय आरो ख 'हा गोनां गेसफोर ओंखारहोनायखौं खम खालामनाय बिथिडव मख 'जाथाव जाफुंसारनो हायाखै। थासारिया सामलायजायै जालांसिनो हमदों। फैगौ नभेम्बराव ग्लस'आव जानो गोनां मुलुग आबहावा सम्मेलननि सिगां जी-7 शिखर सम्मेलनआव आबहावाखौं लानानै फोसावनाय आरो बेखौं सावरयनायनि थांखि लानांगोन। ख 'हा खालामग्रा गेसफोर ओंखारनायखौं खम खालामनायनि थाखाय निखावरि हादतफोरनो इन्थननि जोन्थोरखौं जगायना होनांगोन। इडनिभासिडि अफ एक्सटर एन्ड इन्टरनेसेनेल सेन्टर फर क्लाइमेट चेन्ज एन्ड डेभलपमेन्टजों लोब्बा गोनां जरखाफोरा फिन्याय फोसावनानै इयुनिन खैफोदफोरखौं सांग्राथि होदों। ब्रिटेन्आव जी-7 शिखर सम्मेलनआव नुजाथिफेनाय दैदेनगिरिफोर आरो मिडियाखौं नोजोर होहोनो थाखाय आबहावा सरेखाथि फसंथानफोरनि मावसुमाफोरा लैथोमानि बोरिमायाव धर्ना होदों। बे लैथोमानिनो गुबुन फासैथिनि बोरिमायाव बानायनाय रिजर्टआव शिखर सम्मेलनआ जागासिनो। रोजा रोजा अन्जिमानि थुबुर जाफेनाय धर्ना होग्राफोर दैदेनगिरिफोरनि महरनि मुखुद खानानै आरो आखायाव दाबि दैखानायजों सोमोन्दो गोनां बेनार लानानै धर्ना होदों। बे धर्नाखौं लैथोमायाव मैला-मैथा गानायखौं अजद होग्रा फसंथान अंगेस्ट सीवेजआ दैदेन्दों।

भारतआव 71 सानफोराव करनानि बयनिखुडुबो खम 80 रोजा केसआ सोराडव फैदों

जाहोनाव थैदों। बेजों लोगोसेनो हादतआव करनाजों मोजां जानाय बेरामिफोरनि अन्जिमायाबो लान्थ्रियै बांदों। करनानि सांग्राथि केसआबो हादतआव लान्थ्रियै खम जादों। मिरुनि गाहाम देहा मावख 'नि गोदान अन्जिमानि बायदिब्ला थानाय 24 घन्टयाव करनानिफ्राय हादतआव 1 लाख 32 रोजा 62 सुबुंफोरा मोजां जादों। बेखौं सरजाबनानै हादतआव दासिमआव गासै 2 कौटि 80 लाख 43 रोजा 446 सुबुंफोरा करनानिफ्राय मोजां जाखांबाय। बेजों भारतनि करना रिक्भारि बिबाड बांनानै 95-26 जौखोन्दो जादों। बेजों लोगोसेनो हादतआव करनानि सांग्राथि केसआबो लान्थ्रियै दावखलायदों। थानाय 24 घन्टयाव हादतनाडै करनानि 54,531 सांग्राथि केसआ खम जादों। बेखौं सरजाबनानै आथिखालआव गासै 10 लाख 26 रोजा 159 एक्टिभ केसआल' आद्रा दसै। भारतनि करना एक्टिभ बिबाड आथिखालआव 3.49 जौखोन्दो जादों। गाहाम देहा मावख 'नि अन्जिमानि बायदिब्ला हादतआव दासिमआव करनानि गासै 2 कौटि 94 लाख 39 रोजा 989 केसआ सोराडव फैखांबाय। भारतआव दासिमआव गासै 3 लाख 70 रोजा 384 सुबुंफोरा थैदों। बेजों थैनायनि बिबाड 1.26 जौखोन्दो जाखांबाय। हादतनाडै शनिबारआव 12 जुनसिमाव 15 कौटि 31 लाख 95 रोजा 48 करना भेक्सिननि ड्रपखौं होनाय जाखांबाय। थानाय से सानाव 34 लाख 84 रोजा 298 भेक्सिनखौं थुदों। हादतआव करनानि नायबिजिरनायनि बाथाखौं बुडोब्ला दासिमआव 37 कौटि 81 लाख 32 रोजा 474 करना टेस्ट खालामखांबाय। थानाय सानआव गासै 19 लाख 312 करना सेम्पलखौं टेस्ट खालामदों।

बाक्सानि बरिकादडआव आबादारिफोरा जिंगासिनो गोनां जादों

आबादारिफोरा। हाथाय-बाजारनि आंखालाव न'आवनो सेवनो हमदों मैंग-थाइंगफोरा। बाक्सा जिल्लानि बागानपारा सार्केलनि सिडव थानाय बरिकादडनि सासे सोलौंथाय गोनां लाइमोन नुथाइ नाज्रिआर सरकारि साखिखौं उन उन खारफायालासेनो आबाद मावनायाव गोसो होदों। गुबुनिन हाखौं लिजआव लानानै नुथाइ नाज्रिया ब्रै बिधा हायाव जोगोनार आरो नै बिधा हायाव खुखाम आबाद मावदोंमोन। मिजिथिनाय बादिदै आबादा मोजाडैनो जादोंमोन। नाथाय थोजासे हाथाय बेसेनआव फानै मोनैलाय आथिखालाव न'आवनो सेवनो हमदों दिहुनजानाय मैंग-थाइंगफोरा। फानो हायैनि जाहोनाव गोबां जोगोनारफोरा गात्रि जालानो हमदों। गुबुन फासैथि जोगोनारजों लोगोसे दिहुनजानाय जुखामआबो गात्रि जानो हमदों। करना महामारिनि थाखाय सरकारा फोसावनाय एस अ पिआ मिजिथिनायखौं फेलें खालामदों नुथाइनि बायदि गोबां आबादारिफोरनि सिमांखौं। अदेबानि बे बिथिडव राख्योनि आबाद बिफाना मेगन थासेयावबो खाना बायदि जानानै थानायखौं नुनो मोनदों।

आसामाव मोसो गायनि सिखाव खावनायनि सन्देहआव 28 बेसोनि सुबुंखौं बुयै-बुये बुथारो, सा 12 सुबुंफोरखौं जोबथेसालियाव

तिनसुकिया, 13 जुन: आसामनि तिनसुकिया जिल्लानि दरसे गामियाव थानाय शनिबार खालि रगा जॉनाय होंगो-दोंगो सुबुंफोरा 28 बोसोर बैसोनि सासे लाइमोनखौं मोसो खावनायनि सन्देह 'याव बुयै-बुयै बुथारो। भुगिनांनयजों लोगोसे खारग'नो हायो। तिनसुकियानि पुलिस एसएसपिनि देबजौत देउरीआ फोरमायनाय



बायदिब्ला जिल्लानि बागजान पुलिस थानानि सिनि करजंगा बरपाथर गामियाव थानाय शनिबार खालि हर गेजेराव बे जाथाया बै समाव जायो जेब्ला सानै सुबुंखौं नख 'रसेयाव मोसोखौं दोनो थाखाय बानायनाय गलिनि खाथियाव मोनो। आथिखालाव पुलिसआ उफ्रा पुलिस एसएसपिनि दैदेननायाव मोनसे जर 'खा नायबिजिरगा दोलो दायो, जाय बे जाथायखौं नायबिजिरगोन। जर 'खा नायबिजिरगा दोलोआ बे जाथायाव गामिनि सा 12 सन्देह खालामग्राफोरखौं गावसोरनि बेंखनाव लाबाय।

देउरीआ फोरमायनाय बायदिब्ला भुगिनांनयनि सिनायथिखौं 28 बोसोर बैसोनि सरत मरान मुडै होनाय जादों, जाय नाम्बर 1 करदइग्रीड गामिनि थागिबिमोन। गामियारिफोरनि बायदिब्ला, न'नि बिगोमाया सानै सुबुंखौं मोसो गलिनि खाथियाव हरनि 1.30 रिगायाव नुयो आरो दावराव-दावसि जानो हमो। बेनि उनाव सुबुंफोरा जाथाय जानाय जायगायाव जमा जायो आरो बिखौं बुनो जागायो। पुलिसआ फुनि 4.30 रिगायावसो बे जाथायनि खौरं मोनो। बेनि उनाव पुलिसआ बे सुबुंखौं सरकारि देहा फाहामसालियाव लाडो, जेराव बिखौं थैबाय होन्ना फोसावनाय जायो।

290 कौटि रानि गेनाखान्थियाव चीननि सानै नोगोरारिजों लोगोसे सा 9 ग्रेप्तर

बेंगलुरु, 13 जुन: कर्नाटक पुलिसआ 290 कौटि रानिखुडुबो बांसिन गेना खान्थिखौं सोराडव लाबोदों। इनभेन्स्ट खालामनायाव गोबांसिन सुद मोनानयनि लब दिन्थिनानै पावारबेंक मबाइल एफनि गेजेरजों सुबुंफोरखौं थगायदों, पुलिसआ सानै चीननि नोगोरारिफोरजों लोगोसे थगायदों, पुलिसआ सानै चीननि नोगोरारिफोरजों लोगोसे सा 9 सुबुंफोरखौं ग्रेप्तर खालामो। पुलिसआ बुंनय बादिब्ला सुबुंफोरखौं थगायनो थाखाय दायनिगिरिफोरा माखासे नंखाय कम्पानीफोर बानायदोंमोन। बे केसआ मानी लन्डिजोंबो लोब्बा द। बेनि गाहाया केरेलानि थागिबि फालांगिरि अनास अहमद, जायहा चीननि अपारेटरफोरजों सोमोन्दो द। अहमदआ चीनआव सोलौंदोंमोन आरो चीननि आइजोखौं जुलिबो लादों।

बियो बुल फिन्व टेकन 'लजिजों लोगोसे गोबां नंखाय कम्पानीफोर बानायदोंमोन आरो बेनि गेजेरजों रांखौं गुबुन हादतआव दैथाय हरोमोन। पुलिसनि साइबार क्राइम ब्रान्सआ बुंदोंदि, हमजानायफोरनि गेजेराव सानै चीननि आरो सानै तिब्वतनि नोगोरारिबो दं। बिसोरो गावसोरखौं कम्पानीनि बिबानगिरि होन्ना लादों। गुबुन दायनिगिरिफोरखौं नागिरनाया सोलिगासिनो। पुलिसआ गाहाय दायनिगिरिनि बेंक एकाउन्टखौं फ्रिज खालामनानै गोबां रां जड खालामो। बे कम्पानीफोराव रां दोनानयनि उनाव सुबुंफोरा आसोल रांखौंबो मोनफिनानै आरो सुटखौंबो मोनाखै। उल्टायै दायनिगिरिया गुगल प्ले स्टोरनिफ्राय एफखौंबो बोखारोमोन।

गावखौंनो जिउ फोजोबना लानाय फरायसानि नख 'आव खौरं लाहैदों एबसुनि मोनसे थान्दै हान्जाया

नख 'रआव थानानै सुलाद लाहैयो। गथ 'सानि बिफाया फोरमायनाय बादिब्ला, उन्दैनिफ्रायनो जेबो निसा लाफेरै गथ 'आ मबाइल निसायाव गोलेदोंमोन। मबाइलनि निसायाव गोलेनाय लोको-लोको खोथा खोनासडे, इसेयावनो बोराबग्रा जालादोंमोन। जाथाय जानायनि सिगां मबाइलनि थाखाय इसे बोराबनानै बिमा-बिफा उन्दुग्रा खथायाव दर फांथेनानै तादोंमोन आरो बे समाव नख 'रनि बयबो दंजोबोमोन होन्नायै बिफाया फोरमायदों। जाथायनि 15-20 मिनिटसोनि उनावसो माबा मोनसे सानखानानै दरजा खेवैलाय खिरखिजों नायहरनायाव गोदोनायाव दौलें लागायनानै थानायखौंसो नुसन्दों होन्नायै बिफाया बुडो। गथ 'सानि नख 'रआव सुलाद लाहैनानै गोथौ दुखु फोरमायदों दुलाराय बर' फरायसा आफादनि आफादगिरि बर'आ। बिथाडा बुडोदि, निखावरि नख 'रनि फरायसाफोरा मबाइल गैथैनि अनलाइनजों थाखो कालामनो मोनियाव गावखौंनो जिउ फोजोबना लानाय आरो मबाइल गेम गेलेनानै गावखौंनो सामलायनो हाथियाव जिउ फोजोबना लानायखौं गैया खालामनो दुलाराय बर' फरायसा आफादआ गोखों हाबा मावनो सिगांबोदों। फरायसाफोरनो सांग्राथि होनाय, फरायनायाव मुखुब थाहोनाय, जिउ दानायनि थुलुंगाखां होनाय आरो बायदि फेग्रा मुवा बाहायनायनिफ्राय उदां खालामनो हाबा मावनो थाखाय सिगांनायखौं फोरमायो बिथाडा। गथ 'फोरा मबाइलआव बायदिसिना गेम गेलेनानै बिमा-बिफाया जाहाथे गावनि गथ 'खौं खोमानानै लानो गोनां जाया बेनि थाखाय दिथागिरिजों लोगोसे समाजआबो सांग्रां जानांगोन होन्नायै बुंबावो बिथाडा। दुखुथिया नख 'रनिमिस खौरं लाहैनय समाव बाहागो लाफायो मिरु एबसुनि बोसोनगिरि कुसुम कुमार स्वर्गियारि, चिरां जिल्ला एबसुनि गाहाय नेहाथारि दिलिप बसुमतारि आरो एबसुनि गोबां बिबानगिरिफोरा।

एम एल ए माजेन्द्र नाजरीनि नख 'रआव गिबि मन्थ्रि ड० हिमन्त बिश्व शर्मानि आगान

नख 'रसिम नुजाथिहैनानै गिबि मन्थ्रिया एम एल ए नि मांखरसालियाव बिबारजों मान बाउहैयो। बेनि उनाव बिथाडा एम एल ए नि बिसि आरो नख 'रनि सोद्रोमाफोरजों सावरयलायनानै गावनि दुखु मोननायखौं फोरमायथियो। खौरंगिरिफोरनि मोगा-मोगि लानाय समाव गिबि मन्थ्रि शर्माया बुडोदि रुंसारि माजेन्द्र नाजरीया बिथाबनि फासै गावो बाउसोमनानै सुबुंफोरनि अन्सायनायनि थाखाय खामानि मावबोदोंमोन। बिथानि अबथियायै रुंसारि जालांनयाव समा-राजखान्थि जिउनि बिथिडव सुफुंख 'हायै खहा जानानै थावाय होन्नायै बुडो। बे दावबायहैनया हाबाफारियाव गिबि मन्थ्रिजों लोगोसे बि टि सिनि गाहाय मावफुं सोद्रोमा प्रमद बर', सोनाब कक्राझर बिधान सभा बिथाबनि एम एल ए रबिराम नाज्रि, कक्राझर सानजा बिधान सभा बिथाबनि एम एल ए लरेन्स इस्तारि, बारग' एम एल ए हेमेन्द्र नाथ ब्रह्म, मावफुं सोद्रोमा सजल सिंह, रेक्वेबा नाजिनारि मोनहाबो बाहागो लादोंमोन।

भारतनि एडिपिनि थांखिया इनक्लुसिभ एन्ड हलिस्टिक डेभलपमेन्टनि जौगाखानाय: गाहाय मन्थ्रि

एडिपिनि गाहाय गुनफोरखौं सोराडव लाबोदों। इउ एन डि पि या मोनसे रिपर्टआव बुंदोंदि, एडिपिया बै जिल्लाफोराव जौगाखानायनि थाखाय गोखैयै आरो थुलुंगाखांथाव खामानि मावदों। गाहाम देहाखौं नोजोर होनाय, सोलौंथाय बायदि माखासे बिथिफोराव आरो माखासे थाखोसिम आबाद आरो दै सोदोनाय बायदि बिथिफोराव माखासे मख 'जाथाव सोलायनाय फेदों। बेफोरो थुलुंगाखांथाव मानोना जौगाखानायखौं रोखा खालामनो थाखाय बेफोर बिथिडा मख 'जाथाव। भारतआव थानाय इउएनडिपिनि थान्दै शक नदाया बुंदोंदि, गोहोम गोनां नेम-खान्थिफोरा निखावरिखौं फोजोबनो आरो रावखौंबो उनाव थालां होयैनि थाखाय मख 'जाथाव। एडिपिआ जिउ खुंनय थाखोखौं सुस्रानो थाखाय मख 'जाथाव राहा आरो मोजां इयुन दानायनि थाखाय नीति आयगजों लोगो नांन हाबा मावनायखौं सोलि होलांबाय थागोन। थान्देनि टुइटनि फिन्यायाव गाहाय मन्थ्रि मदिआ बुंदोंदि, अरायथा आरो इनक्लुसिभ जौगाखानायसिम सौहैनो थाखाय सरासन्धा नाजानाया मख 'जाथाव। मख 'जाथावदि, मिरु सरकारा उत्तर प्रदेशनो 'जल जीवन मिसन 'नि गेजेरजों 2021-22 नि थाखाय 10,890 कौटि रां हरदों। बेयो बबेबा राइज्योनो होनानयनि मादाव बयनिखुडुबो बांसिन रांखान्थि। जल शक्ति मावख 'या शनिबाराव बेखौं मिथि होयो।

अभयाकुति गामिनि रबिता राभा आरो समायना राभाखौं बुथारनाय जाथायखौं कक्राझर जिल्ला आबोफआ गोखों रावजों सांखारिदों

आरो ओन्सोलनि राइजो-राजाफोरखौं जाथायजों भुगिनांनय नख 'रखौं मदद होनानै दायनिगिरिखौं सिनायथिनानै आइन बादिदै गोखों साजा होनो पुलिस बिफाननिसिम दाबि खालामो।

बेबादि मुगैथाव आरो आइन बरेखा हाबाफोरा जाहाथे जिल्लानि सिडव जायखि-जाया हारि, माहारिनि गेजेरावनो फिन जाबावा बेनि थाखाय गोखों नोजोर लाखिनो पुलिस खुंथाय आरो गासै राइजो-राजाफोरनिसिम कक्राझर जिल्ला दुलाराय बर' आइजो अन्साइ आफादनिफ्राय खावलायहरदों।

खैला खनियाव थाबथानानै थानाय मावसुमाफोरनि रैखाथि अभियानआव नेभिआ मदत होगोन

सुबुंनि गोथै सह'खौं दिहुन्दोंमोन। सान्जा जैन्तिआ हिल्स जिल्लानि कमिसनार इ खार्माल्कीया बुंदोंदि, मदतनि थाखाय नेभिनि हान्जाया जिल्ला मावख 'आव फैबाय। सान्जा जैन्तिआ हिल्स जिल्लायाव थानाय खनिआव दै दिहुनखानायनि उनाव दैआ माखासे साननिफ्रायनो खम जाबोदोंमोन। नाथाय अखा हानायनि जाहोनाव दैआ बांसिन जाफिन्दों। अखानि जाहोनाव रैखाथि अभियानआव गोहोम गोलेदों। एन डि आर एफ आरो राइज्योनि गुबुन गुबुन एजेन्सिफोरनि सा 60 मावसुमाफोरा 152 मिटर गोथौ सुरंगआव 10 मिटर दै खम जानायखौं नेनानै थादों। दैआ खम जालानायनि उनावसो बिसोखौं रैखाथि होनानयनि हाबाफारिखौं जागायनो हागोन।

गसाइगावनि भावरागुरियाव बेंगलि लाइमोन फरायसा आफादआ कभिड-19 नि सायाव सांग्रांथियारि हाबाफारि खुंदों

सिक्शा मिसननि जिल्ला बिथांखि बिबानगिरि जाहांगिर हुसेइन मोनजों लोगोसे दुलाराय आसाम बेंगलि लाइमोन फरायसा आफादनि बि टि सि जनेल आफादगिरि गपाल घष, जिल्ला आफादगिरि इन्द्रजित देबनाथ, नेहाथारि दिपक दास, मावफुं आफादगिरि समिर दास, भावरागुरि दख 'रा कमिटिनि आफादगिरि प्रभात सुत्रधर, गाहाय नेहाथारि सुबध साहानि अनगायैबो ओन्सोलनि गोबां दैदेनगिरि-बिबानगिरिफोराबो बाहागो लादोंमोन।

के आर केआ बलीउडखौ लानानै गिदिर बिबुंथि होदों

गोदान दिल्ली, 13 जुन: के आर के (कमाल राशिद खान) आ लान्थियै खौराडव थाबाय थारों। थानाय सानफोरव बियो बलीउड फावखुंगुर सलमान खाननि हेंथायै बिबुंथि होदोंमोन। जायनि उनाव बिनि दावराव दावसि जानायखौ पान्जाबी देंखोगिरि मीका सिंजों लोगोसेबो नुनो मोन्दों। फारसेथि के आर केआ सलमान आरो मीका सिंजि हेंथायै सशेल मिडियाआव बिबुंथि होनारनिफ्राय गो जानाव थायाखै। आथिखालाव के आर केआ बलीउड इन्डस्ट्रीखौ लानानै गिदिर बाश्रा बुंदों। बियो गोवखौ रंसारि जानाय फावखुंगुर सुशान्त सिं राजपुतजों रुजुदों। सलमान खान आरो मीका सिंजि जेनानि गेजेराव आथिखालाव के आर केआ बुंदोंदि गाव सुशान्त सिं राजपुत जाया आरो बलीउडखौ फेजेनगोन। बे बाश्राखौ के आर केआ सशेल मिडियाआव बुंदों। के आर



केआ सशेल मिडियाआव गोबां सांग्रायै थायो। बियो गावनि मावख'आरि दुइतर एकाउन्टआव लिखदों बलीउडनि दुथां फंवाय, बियो 100 जौखोन्दो मानिनानै सोलिदोंदि, आं आउटसाइडारब्लाबो सुशान्त सिं

राजपुत बायदि जाया। आं थैनायबो नड आरो बलीउडखौ देरहाहोनायबो नड। बे खेबआव गाजि सुबुंजों सेलेन्स जादों। बियो गावनि नैथि दुइतरआव लिखदों बलीउडनि गुन्दाफोर खनसे मोजाडै खोनासं। जों

सोनाब इउपीनि सुबुंफोरा रवखौबो गिया आर जेनाबो। आथिखालाव गोखौं सेलेन्सआ जागोन आरो एरैबायदि जागोनदि, जाय बलीउडनि हिस्ट्रीआव थिसन जागोन। नोंथांमोननि सेलेन्सखौ गनायना

लादों। सशेल मिडियाआव केआरकेनि बे मोनैबो दुइतरफोर गोखोडै भाइरेल जादों। फेन्स आर सशेल मिडिया इउजारफोर बिनि बे दुइतरआव गाव-गावनि फिनजाथायखौ होदों। मख'नो गोनांदि, केआरकेनि जेनानि उनाव मीका सिंआ बिखौ लाजिफोनानानै दोंसे देंखोखौ रोजाबदों। बिनि देंखोनि मुख केआरके कुत्ता। मीका सिंआ 11 जुनआव इउदुबआव बे देंखोखौ रिलीस खालामदोंमोन। बियो गावनि मावख'आरि दुइतर एकाउन्टआव केआरके कुत्ता देंखोनि रिलीस जानायनि खौरांखौ फेन्सफोरनो होदोंमोन। बियो गावनि बे गोदान मिउजिक भीडिअनि पस्टखौ शेरार खालामनानै लिखदों, लोगोफोर बोसोरनि बयनिखुइबो मुंदांखासिन देंखो के आर के कुत्ताया रिलीस जाबाय। आंनि फिसाज्ता कमाल आर खान अननानै आथिखालाव बे देंखोआव गावनि रिबुखौ हो। आं बे देंखोखौ बानायनायाव गोबां नाजादों। बेजों लोगोसेनो मीकाया गावनि बे देंखोनि इउदुभ लिंकबो शेरार खालामदोंमोन।

गाहाम देहानि राहा

ओंखाम गोजांनि मदतजों न'आवनो केराटीन हेयार ट्रीटमेन्ट लानो हागोन

गोदान दिल्ली, 13 जुन: खानायखौ गुरै, जौखोल आरो गाहामै लाखिनो थाखाय केराटीन ट्रीटमेन्टखौ गोबां बान्जायजाथाव महरै गनायना लानाय जायो। नाथाय बबेबा मोजां सेलुन एबा पालारिआव केराटीन हेयार ट्रीटमेन्ट लायोब्ला गोबां रां नांगो जायो। बबेखानि न'आवनो थानाय ओंखाम गोजांनि मदतजोंबे केराटीन ट्रीटमेन्ट लानो हागोन। जायजों न'आवनो जिरायनानै खानायखौ जोथोन लानो हानायजों लोगोसे रोजा राडबो रैखा जागोन। मख'नो गोनांदि, ओंखामाव बै गासै देरहोग्रा लावहोग्रा गुणफोरा थायो, जायखौ नोंथांनि खानायनि थाखाय गोनां जायो। अदेबानि बेयाव केराटीन प्रटिन, भिटांमिन इ आरो भिटांमिन बि गासैखौबो मोन्नो हायो। बेखौ बाहायनायजों खानायनि थाखाय गोनां जानाय



प्रटिनखौ मोन्नो हायो आर खानाय रोजा, गोखौं, गुरै आरो गोगो जायो। मख'नो गोनांदि, ओंखाम गोजांजों हामेड केराटीन हेयार ट्रीटमेन्ट लानो थाखाय बयनिखुइ सिगाडव चामसनै चामसथाम ओंखाम गोजां लानानै बेयाव चामसनै ककनाट मिलक हो। जुदि ककनाट मिलक गैयाब्ला नालेंकरखौ मिक्साराव होनानै उननो हागोन। बे किमक्सचाराव दावदैन गुफुर बाहागो आरो से चामस अलिभ अयेलबो होनानै मोजाडै पेस्ट

बानायना ला। बे पेस्टखौ बानायनो थाखाय मिक्सोखौबो बाहायनो हागोन। बेनि उनाव खानायखौ शेमुजों मोजाडै सुनानै बे पेस्टखौ खानजनि मदतजों खानायव मोजाडै लगायना खानायखौ खेवमनानै लाखि। बेनि 40-45 मिनट उनाव खानायखौ सुना ला हामेड केराटीन हेयार मास्क फुनारनि सानथावसो उनावसो खानायखौ सेमुजों सु। बेबायदि खालामनायजों गाहाम फिथाय मोन्नो हागोन।

दिशा पाटनीआ 19 बोसोर बैसोयाव एडखौ सावथुननि थाखाय होदोंमोन



मुम्बाइ, 13 जुन: जुनआव दिशा पाटनीआ गावनि 29 थि जोनोम सानखौ फालिदों। सावथुनफोरव फाव खालामनायनि सिगां दिशाया फोसावदिं खालामनायनि थाखाय मुलुगयाव सिनायजादों। बियो कल्ड क्रोम, चकलेट आर बिउटी फ्रडाक्टफोरनि थाखाय फोसावदिं खालामदों। आथिखालाव दिशानि मोनसे गोजाम भीडियआ भाइरेल जादों जेराव क्रोमनि थाखाय अडीशन होदों। बै समाव 19 बोसोरनिमोन। भीडियआव बियो गावनि प्रफाइल लुकखौ होदों।

बेनि उनाव बिखौ आलादा आलादा कस्ट्युमआव फोसावदिंनो लानायफोरखौ बुंनय नुनो मोन्दों। दिशानि लुकआ दानिफ्राय एसे आलादा। दिशाया गावनि केरियारखौ 2015 आव तेलुगु सावथुन लफर जों जागायदों। बे बोसोरानो बियो टाइगर श्राफजों लोगोसे मिउजिक भीडिय बेफिक्रा आव फाव खालामदों। बियो बलीउडआव गिवि ब्रेकखौ नीरज पान्डेनि एमएस धनी: दा अनट'ल्ड स्टरीजों मोन्दों। सावथुनआ महेंद्र सिं धनीनि बायपिकमोन, बेवहाय बियो बिनि गार्लफ्रेंडनि फाव खालामदोंमोन। दिशाखौ थानाय खेबआव सलमान खानजों लोगोसे राधे: यर मस्ट वान्टेड भाइ'आव नुनो मोन्दोंमोन। सलमानजों लोगोसे फाव खालामनायखौ लानानै बियो बुंदोंमोनदि, गाव हादतनि बयनिखुइबो देरसिन स्टारजों लोगोसे फाव खालामदोंमोन। जेब्ला शूटआ जागायदों आरो माखासे सान बारलानायाव गाव हामदोंदि, बियो गोबां साहज गोनां। सलमानआ सेटआव सासे गथ' बायदि जायो। गावसोर लोगोसेयै गोबां रंजायो।

कतरं के खिलाडी 11 नि दोहोन गोनां प्रमआ रिलिस जाबाय

गोदान दिल्ली, 13 जुन: आथिखालाव रिऐलिटी स्व'फोरा सोलिदों, केबिसि 13 आर बिग बस 15 नि उनाव आरोबाव मोनसे रिऐलिटी स्व'खौ लानानै दोहौ गोनां खौराड थाबाय थारों। बे समाव स्टान्त रिऐलिटी स्व' खतरं के खिलाडी 'नि फैनो गोनां सिजेन 11 खौ सावरायनाय जादों। बेवहाय नुनो मोनगोन बादायारिफोरनि मुडाबो सिगाडवनो सोराडव फेखोंबाय जायनि जाहोनाव नायगिरिफोरनि एक्साइटेमेन्टआ बांदों। फारसेथिं बावैसो समाव बे स्व'नि दोहौ गोनां प्रम'आ रिलिस जाबाय। बे प्रमआव रहित शेटटीखौ गिखंथाव आखुआव नुनो मोन्दों। बे प्रमआव रहित शेटटीखौ फैनो गोनां सिजेनआव मा रोखोमै गिखंथावजों बुंफबनाय जागोन बेखौ फोरमायनाय नुनो मोन्दों। खतरं के खिलाडीनि फेजेनो गोनां सिजन एबा खेखेखे 11 नि प्रमखौ रहित शेटटीआ गावनि ससेल मिडिया एकाउन्टआव सेयार खालामदों, जेराव बिखौ बुंनय नुनो मोन्दोंदि, बेयो मावेबा सरासन्ना बेटल ग्राउन्ड नड। बेवहाय दिन्थिफलानाय, अनखानाय आर सारेन्डार गैया। बेवहाय



मोनफ्रोमबो आगानाव गिनाया बांगोन आरो डेयारनि वारियरफोरा गोखौं सेलेन्स होगोन। बेयो गिनाय आरो डेयारनि बेटल ग्राउन्ड.... वेलकाम दु केपटाउन। बे प्रमआव रहितजों लोगोसे सिखा बाजो दाव आर लखाखौ नुनो मोन्दों। बे प्रमखौ सेयार

खालामनानै रहित शेटटी लिखदों 'खतरं के खिलाडी सिजेन 11.... उर वारसं डेयार। फारसेथिं बे पस्टआव माखासे सुबुंफोरकौ कमेन्ट खालामनानै गाव गावनि एक्साइटेमेन्टखौ फोरमायनाय नुनो मोन्दों। मख'नो गोनांदि, बे खेबनि 'कतरं के खिलाडी 11 आव

बादायारिनि महरै राहुल वेहा, अर्जुन बिजलानी, अभिनव शुक्ला, दिव्यांका त्रिपाठी आस्था गिल, सौरभ राज जेन महक चहल, अनुष्का सेन, श्रेता तिवारी, सना मकबुल, किक्की तन्बली, विशाल आदित्य सिं आरो भरुण सुदखौ नुनो मोनोन।

दा फेमिली 2 आव सामन्था अक्कीनेनीनि फावआव दावराव-दावसि सोमजिनायखौ दबथायनो मेकार्सआ स्टेटमेन्टखौ फोसावदों


गोदान दिल्ली, 13 जुन: एमाजन प्राइज मिडियानि रिलिस जानो गोनां वेब सिरिज 'दा फेमिली मेन 2 खौ लानानै दावराव-दावसिआ सानफ्रोमबो बांलांबाय थारों। ससेल मिडियाआव सिरिजखौ बयकट खालामनायनि दाबिजों जागायनाय जेनाया लासै-लासै राजखान्थिनि गाव लादों, जाय फैनो गोनां समाव सिरिजनि रिलिसनि थाखाय

जेनाया बांनो हागौ। फारसेथिं गिनाया बेबादि जेनाया बांबावयोब्ला खोला भारतनि गिखंथाव जानो हागौ। बेनिखायनो सम थानायवनो मेकार्सआ मोनसे स्टेटमेन्टखौ फोसावदों, जेराव बियो बे कन्ट्रबर्सीआव गावनि खेगेरिथिखौ होदों। बे स्टेटमेन्टखौ सिरिजनि क्रिएटर्स राज निदीमर आर कृष्ण डिके (राज एन्ड डिके) नि फारसे

फोसावनाय जादों। बिथोनगिरि टीमनि सोद्रोमा सुपर्ण एस वर्माया स्टेटमेन्टखौ ससेल मिडियाआव सेयार खालामदों, जेराव बुंनय जादों, ट्रेलारआव माखासे शटसनि सायाव बिथा खालामनानै गाव गावनि सान्नाय हनायखौ बानायनानै लादों। जौनि क्रिएटिम आर राइटर हान्जानि माखासे सोद्रोमाफोरा तामिल रावनि दं। तामिल आसार

सनु सुदआ आइएएसनि थियारि खालामग्रा फरायसाफोरनो बेसेनाडै कचिं होगोन

गोदान दिल्ली, 13 जुन: बलिउड फावखुंगुर सनु सुदआ करना जेनायाव सोरबा राफोदाय बायदियै सुबुंफोरखौ मदत खालामदों। सनुआ थानाय बोसोरनिफ्रायनो सुबुंफोरनि थाखाय देहा फाहामसालि, बेड मुलिफोरखौ जगायना होदों। फावखुंगुरआ सरकारनाव निखावरि गथ'फोरनो बेसेनाडै सोलोथाय होनो थाखायबो आर'ज गाबखांबाय। आथिखालाव करनाजों सोमोन्दो गोनां केसआ खम जादों आर सनुआ गावनो बिसोरनि सोलोथाय लानायवबो नोजोर होनो हास्थायदों। मख'नो गोनांदि, सनुआ आथिखालाव इउपिएएससिनि थियारि



खालामनाय फरायसाफोरनि थाखाय कचिं स्कलारसिफ होनो थान्खि लादों। बे बाश्रानि खौरांखौ फावखुंगुरआ गावनो गावनि ससेल मिडिया एकाउन्टआव पस्ट खालामनानै होदों। बियो गावनि दुइतरआव

फोरमायदोंदि, आइएएस आन्जादिनि थियारि खालामग्रा फरायसाफोरनि मदतनि थाखाय गाव मोनसे गोदान सम्भवाय यजनाखौ जागायदों। बेसेनाडै कचिं होनारनि खौरांखौ होनानै फावखुंगुरा दुइतरआव लिखदों

'आइएएसनि थियारिखौ खालामनांगौ...जों नोंथांनि बिबानखौ लागोन। सम्भवम (SAMBHAVAM) नि लन्चखौ फोसावनानै गोबां गोजोन्नाय मोन्दों। बेयो सुद चेरिटि फाउन्डेसन आर डिया दिल्लीनि मोनसे सान्नाय हनाय।' बेनि खौरां होनानै फावखुंगुरआ मोनसे सावगारिखौबो सेयार खालामदों, जेराव कचिंनि सोमोन्दै गोबां खौरांजों लोगोसे बिनि सावगारिखौबो सेबखंदों। सावगारियाव केप्सन होदों आं गोसो जानाय बिजाथिफोरनि थाखाय बेसेनाडै आइएएस कचिं स्कलारसिफ होनो खोथा होदों।

मनज बाजपेयीआ सुशान्त सिं राजपुतनि सोमोन्दै शूटिनि जाथायखौ फोरमायदों

मुम्बाइ, 13 जुन: 14 जुनआव रंसारि जानाय फावखुंगुर सुशान्त सिं राजपुतनि गिवि थैनायनि बोसोरारि सान जादों। ससेल मिडियाआव बिनि फेन्सफोरा बिखौ सानफ्रोमबो गोसो खाडो। आथिखालाव 'दा फेमिली मेन' नि स्टार मनज बाजपेयीआ सुशान्त सिं राजपुतजों लोगोसे फाव खालामनाय समनि गोजाम गोसो खांथावखौ सेयार खालामदों। मनज बाजपेयी आर सुशान्त सिं राजपुतआ सावथुन सनचिरेया'आव लोगोसे फाव खालामदोंमोन। मोनसे इन्टारभिउआव मनजआ फोरमायदोंदि, जेब्ला गाव सुशान्त सिं आ मुलुगआव गैया होना मिथिदों, अब्ला गावनि थाखाय बेनि सायाव फोथायनांगोआ गोब्राव जादोंमोन। बियो

जेब्ला बेखौ नायगोन अब्ला बेखौ बाखायगोन। 'दा फेमिली मेन 2 नि ट्रेलारखौ 19 मेआव रिजिज खालामदोंमोन। रिलिसजों लोगोसेनो सामन्था अक्कीनेनीनि फावखौ लानानै ससेल मिडियाआव हेंथा होनाया जागायदोंमोन। दुइतराव वेब सिरिजखौ बयकट खालामनो थाखाय हे सटेगे सालायनाय जादों।

फोरमायबावदोंदि, सुशान्त सिं राजपुतआ हाथरखि आरो ग्रह'नि सोमोन्दै मिथिनो थाखाय गोबां नाजायोमोन।' सनचिरेयानि शूटिनि समाव गावसोर लोगोसेयै पार्टी खालामदोंमोन। बियो हाथरखिफोर आरो ग्रह'फोरखौ नायनायाव गोबां गोसो दंमोन। बिनिथाव गंसे बेसेन गोसा टेलिस्कूप दंमोन, जायखौ बियो गावजों लोगोसे लाबोदोंमोन। गावसोरबो हाथरखिफोरखौ नायनो थाखाय बेखौ



बाहायदोंमोन। बियो आकाशगंगा आरो ग्रह'फोरनि सोमोन्दै बुजियोमोन। बिनि सोमोन्दै गावनाव बे गोसखांथावआ दं। मख'नो गोनांदि, थानाय बोसोरारि सुशान्त सिं राजपुतखौ गावनि मुम्बाइआव थानाय फ्लेटआव रंसारि जानाय मोन्दोंमोन। बिनि रंसारि जानायआव बिनि फेन्स, लोगो आर नख'रनि सुबुंफोरा गोबां गोमोदोंमोन। टिभिजों गावनि केरियारखौ जागायनाय सुशान्तआ सिरियाल 'पबित्र रिस्ताजों सिनायथि मोन्दोंमोन। बलिउडआव बियो काइ पो' छे' एमएस धनी: दा अनटल्ड स्टरी आर केतरनाथाव फाव खालामदोंमोन।

आफगानिस्तानआव 24 घन्टानि समाव सा 111 उतखारिफोरनि जिउ ख 'हा



काबुल, 13 जुन: आफगानिस्तानआव थानाय 24 घन्टानि समाव रैखाथि मावसुमाफोर तालिबाननि सा 111 उतखारिफोरखौ गावथारो। बिफानआ मोनसे बिबुंथि फोसावनाने बुडेदि, सरकारि सान्थि हान्जानि हा सानि आरो उरं जाहाजजौं नायबिजिरनायव सा 111 तालिबाननि

उतखारिफोर थैयो आरो सा 79 गुबुनफोरा जोखोम जायो। सरकारि सान्थि हान्जाया बे नायबिजिरनायखौ बरदाक, उरुजगन, जाबुल, बदगिस, फरयाब, निमरुज, हेलमान्ड, ताखर आरो बदखशां ओन्सोलफोराव थानाय 24 घन्टानि समाव खालामो। रैखाथि हान्जाफोरा मोन 12 बेरफुग्रा

जोन्थोरफोरखौबो सं दानानै बिसोरखौ फेलें खालामो। आथिखालाव रैखाथि बिफानआ बे नायबिजिरनायाव सान्थि हान्जा थैदोना थैयाखै बेनि जेबो खौरं होयाखै। नाथाय गर ओन्सोलनि तलक जिल्लानि गभर्नर सलमान युसुफिरआ बुनाय बायदिल्ला, तालिबान उतखारिफोरजौं लोगोसे दावहायाव सा 20 सान्थिफोरा थैयो आरो माखासे जोखोम जायो। बेनि अनगाथै सा 10 सान्थिफोरखौ तालिबानआ हामो। आमेरिकाया जेब्लानिफ्राय आफ गानिस्ताननिफ्राय गावसोरनि सान्थिफोरखौ लिंहरफिनो फोसावो अब्लानिफ्रायनो तालिबान उतखारिफोरा ओन्सोलारि राजथानवि, जिल्लाफोर आरो गुबुन जायगाफोरनि सायाव गाग्लोबनायखौ गोखौं

खालामो। बेनि गेजेरजौं आफगानिस्ताननि सानै एमपिफोर आमिर मुहम्मद खाकसर आरो सैयद हयातुल्ला अलीमीआ सा ओन्सोलाव थानाय आरोबाव माखासे बाहागोफोरखौ तालिबाननि आखायाव थानायनिफ्राय रैखा खालामनो थाखाय उफा। सान्थिफोरखौ थिसनो दावि दैखाडो। मानोना बिबानगिरिफोरा बुनाय बायदिल्ला, थानाय दाननैनि समाव खमैब्लाबो दर 17 जिल्लाफोरा तालिबानफोरनि बेंखनाव थांखांबाय। तल निउजनि बायदिल्ला, सानै एमपिफोर बुडेदि, तालिबानआ इस्कमिस आरो समा काला जिल्लाफोरनि सायाव बेंखना लाबाय। तालिबानआ तुकीनि वै थांखिफोरखौ होवथायो, जेव बिसोर काबुल उरं जाहाज गाथोननि रैखाथिनि थांखि होदोमोन।

चीनआव गेस पाइप बेरफुनायजौं सा 11 सुबुंफोरनि जिउ खहा, सा 37 सुबुंफोरा गोब्राबै जोखोम

बेइजिं, 13 जुन: चीनाव मोनसे गिदिर जाथाया नुजाथिदों। चीननि हुबेइ ओन्सोलनि शियान सहराव रबिबार खालि फुडव गेस पाइप बेरफुयो। बे जाथायाव कमेब्लाबो सा 11 सुबुंफोर थैयो आरो सा 37 गुबुनफोरा गोब्राबै जोखोम जायो। बे जाथायनि उनाव माखासे सुबुंफोरा बाइखोन्दा थुखाफोराव गोदोयो। मिडियानि बायदिल्ला बेयाव माखासे न'फोरा सिलिंखार जायो आरो बे जाथाया जायगानि सम बायदिथै फुं नि 6:30 रिगायाव जायो।



चीननि सरकारि सेनेल सिजिटिएन टिभिनि बाइदिल्ला, इन्टरनेट मिडिया प्लेटफर्म भिबआव फोसावनाय सावगारिफोर आरो भिडिअ पुटेजआव माखासे न'फोरखौ सिलिंखार जानाय आरो गोबां सुबुंफोरखौ बाइखोन्दा थुखाफोरखौ बोखारनाय नुनो

मोन्दों। हंकंआव थानाय साउथ चाइना मर्नि पन्सआ फोरमायनाय बायदिल्ला, बे बेरफुनाय जाथाया शियाननि यान्हु बाजारव जायो जेब्ला माखासे थागिबिफोरा जाग्रा आदार जाबाय थोदोमोन। आरो

माखासेया मैंग थाइंग बाइबाय थोदोमोन। बेनि सोमोन्दै सहरनि नगर निगम मावख'आ जागायजेन्नायाव बुंदोमोनदि, बे जाथायनि उनाव बाइखोन्दा थुखाफोराव माखासे सुबुंफोरा थाबथानानै थोदोमोन। बे मिडियाआ बुंदों।

काउन्टर टेररिज्म डिपार्टमेन्टनि जिम्मायाव लानाय सासे सुबुड थैनायनि उनाव इस्लामाबादआव धर्ना होनाया सोलिदों

इस्लामाबाद, 13 जुन: काउन्टर टेररिज्म डिपार्टमेन्ट (CTD) नि जिम्मायाव लानाय सासे सुबुड थैनायनि उनाव इस्लामाबादआव शनिबाराव हेंथा धर्ना होनाया जागायदों। जिय निउसनि रिपर्टनि बायदिल्ला थैनायनि सोमोन्दो गोनां सुबुंफोर आरो सिनायनाय सुबुंफोरा गोथै सह 'खौ लानानै आइजेपि रडआव धर्ना होदों आरो बिनि थैनायखौ नायबिजिरनो आरो बिजिरनाय मोनो दावि दैखोंदों। थैनाय सुबुंखौ माखासे सान सिगां सा 2 पुलिस मावसुमाफोरखौ बुथारनायाव दंफादेरो होन्ना सन्देह खालामनानै ग्रेप्टार खालामदोमोन। थैनाय सुबुंनि बिमाया जिय निउसनी फोरमायदोंदि, बिनि फिसाज्जालाया गोसो जानानै

सोथिनि थाखाय पुलिसनि सिगाडव गावखौनो गथायदों आरो उनदाहा खालामदोंदि, बिजों बेबायदिनो जानायजों उनदाहा जादों। बियो बुंदोंदि, जुदि बियो पुलिस मावसुमाफोरखौ बुथारनायाव जायखि जाया रोखोमै दंफादेरोमोनब्ला बिनि सायाव बेबायदि मानो खालामदों? केसखौ बिजिरगिरिनाव मानो दैथाय हरनाय जायाखै? बियो फिन्याय मोनजासिम गावनि हेंथाथै धर्ना होनायखौ सोलि होबाय थानायनि बाध्रा बुंदों। गुबुन धर्ना होग्राफोरनि गेजेराव माखासेआ थैनायनि नसुंसेनिमोन। बिसोरो पुलिसनि सायाव बिखौ इनाय अनगागर खालामनाय आरो बुनायनि दाय जाबसिनदों। नसुंसेफोरा बुंदोंदि, देहायाव इनाय अनगागर खालामनायनि

दागो दं। पुलिसआ गोथै सह 'खौ गथायनानै थैनायनि जाहोनखौ लोमजानाय होन्नानै फोरमायदों। बिसोरो दावि दैखोंदोंदि, गाहाय मन्थि बिबानगिरिफोरा बे केसआव नायबिजिरनां गो। उनाव पुलिसआ बुंदोंदि, जाथायाव बाहागो लानाय पुलिस मावसुमाफोरनि हेंथाथै केस थिसन्याय जाबाय। सिटिडि स्टेसन हाउसनि बिबानगिरि फे याज रान्झा आरो नायबिजिरगानि बिबानगिरि शम्स अकबर सानैखबो ग्रेप्टार खालामनाय जाबायो। पुलिसनि मोनसे बिबुंथिनि बायदिल्ला गोबां दुंखावनाय आरो लोमजानायनि गेजेराव फाहामथाय मोनैनि जाहोनाव ग्रेप्टार खालाम जानाय सुबुड थैदों।

दमिश्क, 13 जुन: सिरियानि गंसे देहा फाहामसालियाव मिसाइलजौं गाग्लोबनायाव सा 13 सुबुंफोर थैयो आरो गोबां अन्जिमानि सुबुंफोरा जोखोम जायो। मोन्थायनि मावसुमा आरो हेफाजाब होग्रा आफदफोर बेनि खौरं होयो। बे जाथायाव सोरनि आखाय दड बेयो दासिमबो रोखा जायाखै। नाथाय बे गाग्लोबनायखौ बै जायफोरनिफ्राय खालामनाय जादों, जेराव सरकारि सान्थि हान्जा आरो कुर्द बिग्रायारिफोरखौ थिसन्याय जादों। सुलुडव फोरमायनाय बायदिल्ला बे शहरनि सायाव तुकी हेफाजाबगिरिफोरा बेंखना लादों। तुकीनि हताय ओन्सोलनि गभर्नरआ बे गाग्लोबनायाव सा 13 नोगोरारिफोर थैदों आरो सा 27 सुबुंफोर जोखोम जादों होन्ना



फोरमायदों। गभर्नरनि मावख'आ बे गाग्लोबनायनि थाखाय सिरियान कु दिश आफददखौ दाय हामो। बेरा फारसे, ब्रिटेडनि सुबुं मोन्थाय आफद सिरियान अब्जाभर्टरी फर हिउमेन

राइसआ बे गाग्लोबनायाव सा 18 सुबुंफोरा थैदों होन्ना फोरमायदों। बेरेखा हान्जानि बेंखनाव थानाय जायगाफोरनि सायाव सावस्त्रियारि मिरुफोरखौ मदत खालामग्रा सिरियन आमेरिकन मेडिकेल ससाइट

(एसएएमएस) आफोरमायदों, आफरनि शहरनि अल-शिफा देहा फाहामसालियनि सायाव गंसे मिसाइल गावहरदों, जायजों पलीक्लिनिक् बिफान, इमारजेन्सि देहा फाहामथाय आरो डिलिभारि रुमाआ गोबां ख'हा

जादों। आफादआ देहा फाहामसालियनि सायाव गाग्लोबनाय जाथायखौ नायबिजिरनो दावि दैखोंदों। सुलुडव फोरमायनाय बायदिल्ला, सिरियाआ दरसे दावहाजौं भुगिनांनया हदत, जेराव दासिमव 5 लाख सुबुंफोर थैबाय आरो गोबां सुबुंफोर गावबा गावनि जिउखौ रैखा खालामनानै गुबुन हादतफोराव आश्राय लाहनांबाय। बेयाव थानाय 21 बोसोरनिफ्राय बशर अल असदआ हादतगिरि मासियाव दड। मानोना बे बोसोरव जानाय बिसायख'थियावबो बिथाडनो देखादों। बिथाड बिफा हाफिज अल-असदनिफ्राय बे मासिखौ मोन्दोंमोन।

सेन्ट्रल भिस्टानि बिफा-लाइफां गाइनाया लुटियन्सनि गोजाम डिजाइन बादि जागोन

गोदान दिल्ली, 13 जुन: सेन्ट्रल भिस्टा प्रजेक्टनि गेजेरजौं 2022 आव भारतनि 75 थि उदांखि सानसिमाव गंसे गोदान संसद भवनखौ थियारि खालामनाय जागोन। बेनि अनगाथै बेनि गेजेरजौं मोनसे गोदान न'नि परिषदखौबो बानायनो नागिरदों, जेराव गाहाय मन्थि आरो लेडाइ हादतगिरिनि न'जों लोगोसे माखासे गोदान मावख'नि भवन आरो मन्थिफोरनि मावख'नि थाखाय सेन्ट्रल सेक्रेटारिएटखौ बानायनाय जागोन। बे बिथांखिनि सायाव हाबाफारि मावग्रा डिजाइनारफोर आरो आर्किटेक्टफोर बुंदों गोदान सेन्ट्रल भिस्टानि डिजाइन खालामनाय समाव बिफा-लाइफां गायनायखौबो नोजोर होनाय जादों। सेन्ट्रल भिस्टा रिडेबलपमेन्ट प्रजेक्टयाव डिजाइनारफोरनो बोसोन होग्रा बिबानगिरिआ फोरमायदों



गोदान बिफां -लाइफां गाइनायनि यजनाखौ 1912 नि राजथानवि थाखाय ब्रिटिश डिजाइनखौ सायख'नाय जादों। सेन्ट्रल भिस्टा बिथांखिनि बोसोनगिरिनि महराव बियो लुटियन्सनि डिजाइननि गाहाय पेटर्नखौ लाखिलानो नाजादों। जागायजेन्नायाव लुटियन्स दिल्लीनि एबेनिउयाव 13 था बिफां लाइफांनि हारिखौ सायख'नाय जादोंमोन। उनाव बेनि अन्जिमाखौ बांहोनानै 16 था खालामनाय जादों।

हंकं, 13 जुन: हंकंनि 2019 नि सरकारनि हेंथा धर्ना होनायनि बोसोरारि सान फालिनाय सुबुंफोरनि गेजेराव साब्रैखौ ग्रेप्टार खालामो। शनिबाराव बिसोरखौ बै समाव हमनाय जायो जेब्ला सुबुंफोर हेंथा धर्ना होनायनि बोसोरारि सान फालिनाय धर्ना होदोंमोन। माखासे सुबुंफोरनि फिसा हाज्जाया सिरि थानानै धर्ना होदोंमोन। रिपर्टनि बादिब्ला, मोनानि 9.30 रिगाआव पुलिसआ मंग ककनि लंधाम प्लेसआव सा 20 सुबुंफोरखौ स्लगान होनाय नुयो। बिसोरो माहारियारि रैखाथि आयेनखौ सिमफायनो हागो होन्नानै बुंदोंमोन। हमजानायफोरनि सा 3 आ हाँवाफोर आरो सासेया आइजो जायनि बैसोआ 15 निफ्राय 19 बोसोरनि गेजेराव जागोन। बिसोरो मोनानि 11.00 रिगायाव न'निफ्राय बाइजोयाव

दंमोन आरो बिसोरनाव गावसिनि सिनायथिलाइ (आइडेन्टि) बो गैयामोन। फारसेथि करनानि नेमखान्थिखौ सिमफायनायनि थाखाय पुलिसआ गुबुन सा 10 सुबुंफोरनो समन दैथायह। गोबां बिबानगिरिफोरा काउलुन पडुसनि माखासे लामाफोराव बेंखन्नो आरो सिगोमनाय अभियान सालायो। मख'जाथावदि, 2019 नि 12 जुनआव बिधान परिषदनि मोखाडाव पुलिस आरो धर्ना होग्राफोरनि गेजेराव दाडा बाजि जादोंमोन। बेयाव रोजा-रोजा सुबुंफोर दैथायहरफिन्याय बिलखौ अजद होदोंमोन। बे सानाव बे बिलखौ सदनआव नैथि खेव दिन्थिनांगोमोन। नाथाय माखासे दाननि उनाव बे आयेनखौ बोखाना लाफिन्याय जादोंमोन।

आमेरिकायाव एफडिएआ जनसन एन्ड जनसननि 6 कौटि ड्रपखौ होवथादों

वाशिंटन, 13 जुन: आमेरिकायाव फु एन्ड ड्रग्स एडमिनेस्ट्रिसन (एफ डि ए) आ भेक्सिन बानायग्रा कम्पनी जन,न एन्ड जनसननि सिगाडव बुंदों बेनि बाल्टीमर प्लान्टआव थियारि खालामनाय करना होबथाग्रा भेक्सिननि 6 कौटि ड्रपखौ बाहायनो हानाय नडा। मानोना बेनि गुननि सायाव सन्देह' खालामनाय जादों। जनसन एन्ड जनसननिफ्राय दासिमबो बेनि सायाव जेबो बुनाय जायाखै। एफ डि एआ 1

कौटि ड्रपखौ आमेरिकायाव रान्ना होनाय आरो गुबुन हादतआव दैथाय हरनायनि गनायथि होनो थांखि लादों। नाथाय बेजों लोगोसे सांग्रांथि होनाय जागोनदि, एफ डि एआ बे गेरेन्टीखौ होयाजे बाल्टीमर प्लान्टनि सामलायनाय कम्पनी इमारजेन्टबाय साल्युशन्सआ भेक्सिनखौ बानायनायाव नेमखान्थिखौ फालिदों। बेजों लोगोसेनो एजेन्सिआ इमारजेन्टो प्लान्टखौ फिन खुलिनो थाखाय गनाय होनो थांखि लायाखै।

प्लान्टखौ नेम खान्थिजों सोमोन्दो थानाय माखासे जाहोनाव थानाय नै दाननिफ्रायनो बन्द' खालामनाय जादों। आमेरिकायाव जनसन एन्ड जनसननि जाय ड्रपखौ होनाय जादों बेखौ नेदारलेन्डआव थानाय प्लान्टआव बानायनाय जादों। नाथाय इमारजेन्ट प्लान्टआव बानायनाय जायाखै। मख'नो गोनांदि, बे केसआ जादों जनसन एन्ड जनसननि 10 कौटि आरो एस्ट्राजेनेकानि 7 कौटिनिफ्राय बांसिन ड्रपखौ मार्चआव बै समाव

हल्डयाव दोन्नाय जादोंमोन, जेब्ला इमारजेन्टआ बे बाध्राखौ मोन्थि मोन्दोंमोनदि, गावनि मावसुमाफोरा जनसन एन्ड जनसननि भेक्सिननि मोनसे बेचआव एस्ट्राजेनेकानि भेक्सिननि मोनसे बाहागोखौ गलायदोंमोन। जनसन एन्ड जनसननि भेक्सिनखौ मोनसे समाव आमेरिकायाव गेम चेन्जार्नि महराव नोजोर होनाय जादोंमोन। मानोना बेनि मोनसेल' ड्रपखौ थुजानांगोमोन।

सरकारनि बेरेखा धर्ना होनायनि बोसोरारि सान फालिनायफोरनि सा 4 सुबुंफोरखौ ग्रेप्टार खालामो

दंमोन आरो बिसोरनाव गावसिनि सिनायथिलाइ (आइडेन्टि) बो गैयामोन। फारसेथि करनानि नेमखान्थिखौ सिमफायनायनि थाखाय पुलिसआ गुबुन सा 10 सुबुंफोरनो समन दैथायह। गोबां बिबानगिरिफोरा काउलुन पडुसनि माखासे लामाफोराव बेंखन्नो आरो सिगोमनाय अभियान सालायो। मख'जाथावदि, 2019 नि 12 जुनआव बिधान परिषदनि मोखाडाव पुलिस आरो धर्ना होग्राफोरनि गेजेराव दाडा बाजि जादोंमोन। बेयाव रोजा-रोजा सुबुंफोर दैथायहरफिन्याय बिलखौ अजद होदोंमोन। बे सानाव बे बिलखौ सदनआव नैथि खेव दिन्थिनांगोमोन। नाथाय माखासे दाननि उनाव बे आयेनखौ बोखाना लाफिन्याय जादोंमोन।



